

四庫全書

史部

欽定四庫全書

通志卷五十三

宋 右廸功郎 鄭樵 漁仲 撰

職官略第三

尚書省第五上

并總論尚書

秦時少府遣吏四人在殿中主發書故謂之尚書尚猶主也漢承秦置及武帝遊宴後庭始用宦者主中書以司馬遷為之中間遂罷其官以為中書之職至成帝建

始四年罷中書宦者又置尚書五人一人為僕射四人
分為四曹通掌圖書祕記章奏之事及封奏宣示內外
而已其任尤輕至後漢則為優重出納王命敷奏萬機
蓋政事之所由宣選舉之所由定罪賞之所由正斯乃
文昌天府衆務淵藪內外所折衷遠近所稟仰故李固
云陛下之有尚書猶天之有北斗斗為天之喉舌尚書
亦為陛下之喉舌斗斟酌元氣運平四時尚書出納王
命賦政四海令及左丞總領綱紀無所不統僕射及右

丞分掌廩假錢穀漢初尚書雖有曹名不以為號及靈
帝以侍中梁鵠為選部尚書於是始見曹名總謂之尚
書臺亦謂之中臺大事八座連名而有不合得建異議
二漢皆屬少府魏置中書有監監令遂掌機衡之任而
尚書之權漸減矣晉以後所掌略同八座丞郎初拜並
集都省交禮遷職又解交本漢制也至於晉宋唯八座
解交丞郎不復解交也宋曰尚書寺居建禮門內亦曰
尚書省亦謂內臺每八座以下入寺門生隨入者各有

差不得雜以人士凡尚書官大罪則免小罪遣出遣出者百日無代人聽還本職其令及二僕射出行分道之制與中丞同令僕各給威儀十八人自晉以後八座及郎中多不奏事梁天監元年詔曰自禮闈陵替歷茲永久郎寺脩員無取職事糠粃文案貴尚虛閑空有趨墀之名了無握蘭之實曹郎可依昔奏事自是始奏事矣又詔尚書中有疑事先於朝堂參議然後啟聞舊尚書官不以為贈唯朱异卒特贈右僕射武帝寵之故也自

魏晉重中書之官居喉舌之任則尚書之職稍以疎遠
至梁陳舉國機要悉在中書獻納之任又歸門下而尚
書但聽命受事而已後魏天興元年置八部大人於皇
城四方四維面置一人以擬八座謂之八國各有屬官
分尚書三十六曹天賜元年罷尚書三十六曹別置武
歸修勤二職分主省務武歸比郎中
修勤比令史至神龜元年始置
僕射左右丞及諸曹尚書十餘人各居別寺北齊尚書
省亦有錄令僕射總理六尚書事謂之都省亦謂之北

省後濟北王以太子監國立大都督府與尚書省分理
衆事仍開府置佐後周無尚書隋及唐皆有其制畧同
凡尚書省事無不總龍朔二年改尚書省為中臺咸亨
初復舊光宅元年改為文昌臺垂拱元年又改為都臺
咸通初復舊長安三年又改為中臺神龍初復為尚書
省亦謂南省都堂居中左右分司都堂之東有吏部戶部禮
部三行每行四司左司統之都堂之西有兵部刑部工
部三行每行四司右司統之凡二十四司分曹共理而

天下之事盡矣左右僕射各一人總統省事左丞一人

掌轄吏部戶部
禮部十二司事

右丞一人

掌轄兵部刑部
工部十二司事

左右司郎中

各一人員外郎各一人

各掌付左右丞
所管諸司事

尚書六人

吏戶
禮兵

刑工六部
各一人

侍郎九人

吏部戶部兵部各
二人餘各一人

郎中二十八人

吏部戶部兵部刑部各二人餘
各一人并左右司則三十人

員外郎二十九人

吏戶
兵刑

四部及司勳各二人餘司各
一人并左右司共三十一人

都事六人

臣謹按蔡質漢儀曰凡三公列卿將大夫五營校尉

行複道中遇尚書令僕射左右丞郎御史中丞侍御

史皆避車先相迴避衛士傳不得迂臺官臺官過乃得去至晉宋以來尚書官上朝及下禁斷行人猶其制也

錄尚書

尚書令

僕射

左右丞左右司郎中員外郎附

尚書總

序

八座附

郎官總序

都事主事令史總序

行臺

省總序

錄尚書

自漢武帝時左右曹諸吏分平尚書奏事知樞要者始領尚書事張安世以車騎將軍霍光以

大將軍王鳳以大司馬師丹以左將軍並領尚書事後漢章帝以太傅趙憙太尉牟融並錄尚書事尚書有錄

名蓋自喜融始亦西京領尚書事之任也和帝時太尉
鄧彪為太傅錄尚書事位在三公上漢制遂以為常每
少帝立制置太傅錄尚書事猶古冢宰總已之義堯輒
罷之鄧彪錄尚書事後以老病上還樞機職又李固張
禹張防並錄尚書事自魏晉以後亦公卿權重者為之
職無不總晉宗室會稽王道子及世子元顯並錄尚書
事時道子為東錄元顯為西錄晉康帝時何充辭錄表
曰成康中分置三錄王導錄其一荀崧陸晔各錄一條
事晉江左有四錄則四人參錄也凡重號將軍刺史皆
得命曹授用唯不得施陳及加節宋孝武孝建中不欲
威權外假省錄大明末復置此後或置或省齊世錄尚
書令並總領尚書臺二十曹為內臺主行遇諸王以下
皆禁駐號為錄公齊明帝為宣成王錄尚書廢帝昭業
思蒸魚太官以無錄公命不與高帝崩遺詔以褚彥回
錄尚書事江左以來無單為錄者有司擬立優策王儉
議宜有策書乃從之北齊錄尚書一人位在令上掌與

令同俱不糾
察自隋而無

尚書令

商湯制官有冢宰君薨則百官總已以聽焉故
伊尹以三公攝冢宰周之冢宰為天官掌邦之

治六卿之職總屬焉於百官無所不主至秦置尚書令
尚主也漢因之銅印青綬武帝用宦者更為中書謁者
令成帝去中書謁者令官更以士人為尚書令時弘恭
石顯相繼為中書令專權邪僻前將軍蕭望之領尚書
事建言以為尚書百官之本國家樞機宜以通明公正
之人處之武帝遊宴後庭故用宦者非古制也宜罷中
書宦官後漢眾務悉歸尚書三公但受成事而已尚書
令主贊奏事總領紀綱無所不統與司隸校尉御史中
丞朝會皆專席而坐京師號曰三獨生故公為令僕射
者朝會不陞奏事天子封禪則尚書令奉玉牒檢兼藏
封之禮魏晉印綬與漢同冠進賢兩梁納言幘五時朝
服佩水蒼玉受拜則策命之以在端右故也薨於朝堂

發哀太熙元年詔曰夫總百揆之得失管王政之閒塞者端右之職也是以自漢代以來慎選其人議郎王戎可為尚書令自魏晉以下任總機衡事無大小咸歸令僕齊梁舊用左僕射美遷司空梁陳並有之後魏北齊掌彈紕見事與御史中丞更相兼察隋亦總領衆務唐尚書令朝服驚冕八旒七章三梁冠武德初太宗為秦王嘗居之其後人臣莫敢當故自龍朔三年制廢尚書令至廣德中郭子儀勲業既盛乃特拜焉子儀以文皇帝故諫不敢受

臣謹按謝朓為司徒尚書令朓辭脚病不堪朝謁仍角巾自輿詣雲龍門謝既見乘小車就席

僕射

秦官漢因之自侍中尚書博士郎皆有之古者重武官以善射者掌事故有主射以督課僕主也軍

也吏駙宰永巷宮人皆有僕射隨所領之事以為號也
成帝建始元年初置尚書五人以一人為僕射主封門
掌授廩假錢穀而鄭崇為尚書僕射亦數諫諍每見曳
草履上笑曰我識鄭尚書履聲後漢尚書僕射一人署
尚書事今不在則奏下衆事印綬章服與令同獻帝建
安四年以執金吾榮邵為左僕射衛臻為右僕射侍者
分置左右蓋自此始經魏至晉及於江左省置無常置
二則為左右僕射或不兩置但曰尚書僕射令闕則左
為尚書省主若並闕則置尚書僕射以主左事置祠部
尚書以掌右事則尚書僕射祠部尚書不恒置矣宋尚
書僕射勝右減左右居二者之間僕射職為執法置二
則為左右執法又與尚書分領諸曹兼掌彈舉故王弘
為僕射奏彈康樂縣侯謝靈運淫其孽女請免官削爵
付大理內臺舊體不得用風聲舉彈此事彰赫暴之朝
野不敢拱默武帝令免官而已齊左右僕射行則分道
左僕射領殿中主客二曹右僕射領祠部儀曹黃案左

僕射上署右僕射次署凡僕射掌朝覲尚書掌獻奏都
丞任在彈違齊梁舊制右僕射遷左僕射左僕射美遷
令其僕射處於中陳亦然後魏二僕射左居上右居下
北齊僕射職為執法置二則為左右僕射皆與令同左
紕彈而右不紕彈隋文帝開皇三年詔左右僕射從二
品左掌判吏部禮部兵部三尚書御史紕不當者兼紕
彈之右掌判都官度支工部三尚書又知用度餘並依
舊唐左右二僕射因前代本副尚書令自尚書令廢闕
二僕射則為宰相故太宗謂房元齡杜如晦曰公為僕
射當洞開耳目訪求賢才是謂宰相宏益之道今以決
辭聽訟不暇豈助朕求賢之意乃令尚書細務悉委於
兩丞其寬濫大故當奏聞者則闕於僕射及貞觀末除
拜僕射必加同中書門下平章事及參知機務等名方
為宰相不然則否然為僕射者亦無不加焉至開元以
來則罕有加者初龍朔二年改左右僕射為左右匡政
咸通元年復舊官品第四上元三年閏三月制尚書省

頌下諸州府宜用黃紙武太后改二僕射為文昌左右相連階為從三品尋復本階神龍初復為左右僕射二年九月勅門下及都省宜曰別錄制勅三月一進開元元年改為左右丞相從二品統理衆務舉持綱目總判省事御史糾不當者無得彈之至天寶元年復舊

臣謹按漢儀丞相進天子御坐為起在輿為下有疾法駕至第問得幾二千石申屠嘉欲斬內史鼂錯是也臣又按後魏之制令僕射中丞騶唱而入宮門至於馬道及郭祚為僕射以為非盡恭之宜乃奏請御在太極騶唱至公車門御在朝堂止司馬門騶唱不

入宮自此始也臣又按唐開元二年四月勅在京有
訴寃者並於尚書省陳牒所司為理若稽延致有屈
滯者委左右丞及御史臺訪察聞奏如未經尚書省
不得輒於三司越訴

左右丞

秦置尚書丞一人屬少府漢因之至成帝建始四年置丞四人及後漢光武始減其二唯置左

右丞佐令僕之事臺中紀綱無所不總左丞主吏民章服及騶伯史右丞與僕射皆掌授廩假錢穀又假署印綬及紙筆墨諸財用庫藏左右丞闕以次夕郎補之三歲為刺史漢御史中丞侍御史行複道中遇尚書及丞郎避車執版揖丞郎坐車舉手禮之車過遠乃去尚書言左右丞敢告知如詔書律令郎見左右丞對揖無敬

稱曰左右君丞郎見尚書執版揖稱曰明時郎見令僕執版拜朝賀對揖魏晉左右丞銅印青黑綬進賢一梁冠介幘絳朝服左丞主臺內禁令寢廟祠祀朝儀禮制選用置吏糾諸不法無所迴避兼糾彈之事右丞掌臺內庫藏廬舍凡諸器用之物及刑獄兵器督錄遠道文書章表奏事宋因之而右丞亦主錢穀皆銅印黃綬白案則右丞上署左丞次署黃案則左丞上署右丞次署諸立格制及詳讞大事郊廟朝廷儀禮亦左丞上署右丞次署梁皆銅印黃綬一梁冠陳因之後魏北齊左丞為上階右丞為下階北齊左丞掌吏部考功主爵殿中儀曹三公祠部主客左右中兵左右外兵都官二千石度支左右戶十七曹并糾彈見事又主管轄臺中連失並糾駁之右丞掌駕部虞曹屯田起部兵部比部水部膳部金部倉部庫部十一曹亦管轄臺中唯不糾彈餘悉與左同隋左右丞掌分尚書諸司糾駁唐因隋置龍朔二年改為左右肅機咸通元年復舊左丞掌管轄諸

司糾正省內幹吏部戶部禮部等十二司通判都省事右丞掌管兵部刑部工部等十二司餘與左丞同

臣謹按晉傅咸答辛曠詩序曰尚書左丞彈八座以下居萬機之會乃皇朝之司直天臺之管轄又郗詵為左丞奏推吏部尚書崔洪洪曰我舉郗丞而還奏我此挽弓自射又按齊任遐為右丞奏御史中丞陸澄不糾事請免澄官是右丞可以糾御史也又按隋元壽為尚書左丞蕭摩訶妻患將死奏令其子向江南收家產壽奏劾之曰摩訶遠念資財近忘匹好令

其子捨危懼之母為聚斂之行御史韓微之等見而不彈請付大理臣忝居左轄無容寢默是左丞亦可以糾御史也

左右司郎中

隋煬帝三年於尚書都省初置左右司郎二人品同諸曹郎從五品掌都省之職唐

貞觀二年改為郎中龍朔二年改為左成務咸通元年復舊令掌副左右丞所管諸司事省署抄目勘稽失知省內宿直判都省事若右司不在則左併行之左司不在右亦如之

員外郎

唐武后永昌元年置與郎中分掌曹務神龍元年省二年復置

尚書總序

八座附

秦尚書四人漢成帝初置尚書五人其一人為僕射四

人分為四曹

尚書曹名自此而有

常侍曹

主公卿

二千石曹

主郡國二千石

民曹

主凡吏民上書

客曹

主外國夷狄

後又置三公曹

主斷獄

是為五

曹後漢尚書五曹六人其三公曹尚書二人

掌天下歲盡集課州

郡吏曹

掌選舉齊祠後漢志謂之常侍曹亦謂之選部

二千石曹

掌中都官水火盜賊辭訟

罪法亦謂之賊曹

民曹

掌繕理工作鹽池苑囿

客曹

掌羌胡朝賀法駕出則護駕後漢光武分

二千石曹及客曹為南主客北主客二曹

兩梁冠納言幘或說有六曹

案後漢志

云分客曹為二是為六曹張陵為尚書歲朝梁冀帶劍入省陵叱令奪劍劾冀詔以歲俸贖又鄭均為尚書淡

泊無為以病還第賜尚書祿號為白衣尚書

魏有吏部左民客曹五兵度支

凡五尚書晉初有吏部三公客曹駕部屯田度支六曹

無五兵太康有吏部殿中五兵田曹度支左民為六曹尚

書無駕部三公客曹及度江有吏部祠部五兵左民度支五尚

書皆銅印墨綬進賢兩梁冠納言幘緋朝服佩水蒼玉乘輅車皂輪執笏負荷加侍官者武官左貂金蟬

宋有吏部祠部度支左民左民尚書統左民及駕部二曹都官五兵六

尚書尚書納言幘進賢兩梁冠佩水蒼玉齊梁與宋同侯景改梁五兵為七兵尚書又職官

錄曰齊尚書品服悉與今同亦別有起部而不常置也梁何允為左民尚書後辭

官隱於若邪山雲門寺勅給白衣尚書祿又到洽為御史中丞凡溉為左民尚書舊中丞不得入尚書下舍洽

引服親不應有礙刺史省詳決乃許入溉省亦以其兄弟素篤不能相別陳與梁同後魏初

有殿中

掌殿內兵馬倉庫

樂部

掌伎樂及角使伍伯

駕部

掌牛馬驢騾

南部

掌南

邊州郡

北部

掌北邊州郡

五尚書其後亦有吏部

初白選部

兵部都

官度支七兵祠部民曹等尚書又有金部庫部虞曹儀

曹右民宰官

元視為宰官尚書

都牧

元禎為都牧尚書

牧曹右曹太倉

太官祈曹神都儀同曹等尚書

自金部以下但有尚書之名而不詳職事

北

齊有吏部殿中

殿中統殿中曹主駕行百官留守名帳宮殿禁衛及儀曹三公駕部四曹

祠

部五兵都官度支六尚書後周無尚書隋有吏禮兵刑

戶工六部尚書唐尚書與隋同

龍朔二年改尚書為太常伯咸通初復舊

歷

代吏部尚書及侍郎品秩悉高於諸曹

八座後漢以六曹尚書并令僕二人謂之八座魏以五

曹尚書二僕射一令為八座宋齊八座與魏同

晉梁陳不言八

座之數隋以六尚書左右僕射及令為八座唐與隋同

凡歷

代尚書有五曹則以二僕射一令為八座有六曹則以左右僕射為一座兼令共為八座若有六曹而左右僕

射並闕則以尚書僕射及令為八座若尚書唯有五曹又無左右僕射則不脩矣

郎官總序

郎官謂之尚書郎漢置四人分掌尚書事一人主匈奴

單于營部一人主羌夷吏民一人主戶口墾田一人主

財帛委輸後漢尚書侍郎三十六人

後漢志曰尚書六曹侍郎三十六人

一曹六人也

主作文書草取孝廉年未五十先試牋奏選有

吏能者為之從三署諸臺試初上臺稱守尚書郎中滿

歲稱尚書郎三歲稱侍郎五歲遷大縣其遷為縣令縣

令秩滿自占縣詔書賜錢三萬與三臺租錢餘官則否

吏部典劇多超遷者鄭弘為僕射奏以臺職任尊而賞薄人無樂者諸吏郎補二千石自此始也八座受成事

決於郎下筆為詔策出言為誥命

後漢尚書陳忠上疏曰尚書出納帝命為

王喉舌之官臣等既愚闇諸郎多文俗吏鮮有雅才每為詔文宣示內外轉相求請

其入直官供

青縑白綾被或以錦縹為之

縹私列反縹縹也

給帳帷茵褥通

中枕太官供食物湯官供餅餌及五熟果實之屬五日

一美食下天子一等給尚書郎侍史一人女侍史二人

皆選端正妖麗執香鑪香囊護衣服奏事明光殿省省

中皆以胡粉塗壁畫古賢烈女以丹朱漆地故謂之丹
墀尚書郎口含鷄舌香以其奏事答對欲使氣息芬芳

也奏事則與黃門侍郎對揖黃門侍郎稱已聞乃出丞

郎月賜赤管大筆一雙墮麋墨一笏

馮豹為尚書郎每奏事未報常俯伏

省閣下或從昏至明天子默使持被覆之不驚也日暮諸郎下豹每獨在後帝嘉之墮麋今沂陽縣出墨魏

自黃初改秘書為中書置通事郎掌詔草

即今中書舍人之任

而

尚書郎有二十三人

有殿中吏部駕部金部虞曹比部南主客祠部度支部農部水部

儀曹三公倉部民曹二千石中兵外兵別兵都兵考功定課

非復漢時職任青龍二

年尚書令陳矯奏置都官騎兵合凡二十五郎每一郎缺白試諸孝廉能給文案者五人謹封奏其姓名以補

之魏韓宣為尚書郎嘗以職事當受罰已背縛束杖未行文帝輦過聞而解之晉尚書郎選

極清美號為大臣之副武帝時有三十四曹

加魏直事屯田起部

左士右士其民曹中兵外兵分為左右主客又為左右南北無農部定課考功凡三十四曹

後又置

運曹為三十五曹置郎中二十三人更相統攝

晉魏舒為尚書

郎時欲沙汰郎官非其才者罷之舒曰吾郎其人也襍被而出同寮無清論者咸有愧色

或為三十

六曹當五王之難其都官中騎三曹郎晝出督戰夜還

理事東晉有十五曹

殿中祠部吏部儀曹三公比部金部度支都官左民騎部倉部庫部

中兵外兵

自過江之後官資小減

王坦之選曹將擬為尚書郎坦之間曰自過江尚書

郎正用第二人何得以此見擬其子國寶好傾側媚人謝安惡之除尚書郎國寶以為中興膏腴之族唯作吏

部不作餘曹郎辭不拜又宋江智淵改尚書庫部郎時高流官序不為臺郎智淵門孤援寡此選意不悅固辭

不拜梁王筠除尚書殿中郎王氏過江以來未有居郎署者或勸不就筠曰陸平原東南之秀王丈度獨步江

東吾得比蹤昔人何恒元僭位改都官郎為賊曹宋高所多恨乃忻然就職

祖時有十九曹元嘉以後有二十曹郎三公比部主法

制度支主算都官主軍事刑獄其餘曹所掌各如其名

宋武帝初加置騎兵主客起部水部四曹并東晉舊十五曹合為十九曹元嘉十八年增刪定曹郎即魏世之定科郎也三十年又置功論

齊依元嘉之制其拜吏部

郎後又省騎兵故為二十曹

郎亦有表讓之禮

齊謝眺遷尚書吏部郎上表三讓中書疑眺官未及讓以問沈約約曰宋

元嘉中范曄讓吏部朱循之讓黃門蔡興宗讓中書並三表詔答其事宛然近代小官不讓遂成常俗恐此有乖讓意王藍田劉安西並貴重初自不讓今豈可慕此不讓邪孫興公孔顥並讓記室今豈可三署皆讓耶謝吏部今授超階讓別

梁加三曹為二十三曹

殿中虞曹屯田

其

有意豈闕官之大小

郎中舊用員外郎正主簿正佐有才地者為之遷通直

郎天監三年復置侍郎視通直郎郎中遷為之

梁列洽為尚書

殿中郎洽兄弟羣從遜居此職時人榮之又殿中郎闕武帝曰此曹舊用文學且居鴈行之首宜詳擇其人乃以張綱為之陳有二十一曹後魏三十六曹至西魏改為十

二部北齊有二十八曹

吏部考功主爵殿中儀曹三公祠部駕部主客虞曹屯田起部

左中兵右中兵左外兵右外兵都兵都官二千石比部水部膳部度支倉部左民右民金部庫部

其吏

部三公各二人餘並一人凡三十郎中

後魏北齊唯置郎中

隋初

尚書有六曹二十四司凡領三十六侍郎

吏部司勳主客膳部兵部

職方都官司門度支戶部比部刑部等侍郎各二人主爵考功禮部祠部駕部庫部金部倉部工部屯田虞部

水部侍郎各一人

分司官曹務直禁省如漢之制至開皇三年

二十四司又各置員外郎一人以司其曹之籍帳侍郎

闕則攝其曹事

今尚書員外郎其置自此始以前歷代皆謂之尚書郎各以曹名為稱首或謂

之侍郎皆無員外之號前代史傳及職官要錄或有言員外郎者蓋謂員外散騎侍郎耳非尚書之職前代所

言郎官上應列宿蓋謂三署郎非謂今尚書郎中也煬帝即位以六尚書六曹各

置侍郎一人以貳尚書之職

今之侍郎其置自此始也或有曹加二人者夫侍郎

之名舊矣漢凡諸郎皆掌更直執戟宿衛諸殿門以待衛之故通謂之侍郎故武帝時東方朔為郎當時謂之官不過侍郎位不過執戟是也歷代尚書亦有侍郎隋初尚書諸曹二十四司諸郎皆謂之侍郎通若今之郎官耳非今六部侍郎之任改諸司侍郎但曰郎

則今郎自漢以來尚書侍郎悉然中之職

又改吏部為選部郎禮部為儀部郎兵部為兵曹郎刑部為憲曹郎工部為起曹郎以異六侍郎之名廢諸司員外郎而每司增置一曹郎各為二員都司置左右司郎中各一人品同諸曹郎掌都省之職尋又每減一郎置承務郎一人同開皇員外郎之職唐改隋諸司郎為郎中每曹又復置員外郎武德六年廢六司侍郎貞觀二年復舊今尚書省有左右司郎中各一人員外郎各一人分管尚書六曹事其諸曹諸司郎中總三十一人

通謂之郎官尤重其選其職任名數各列在六曹之後
凡郎中章服皆元冕五旒衣無章裳刺黻一章兩梁冠
凡員外郎章服並爵弁元纓簪尊者衣纁裳一梁冠

都事主事令史總序

都事晉有尚書都令史八人秩二百石與左右丞總知
都臺事宋齊八人梁五人謂之五都令史職與晉同舊
用人常輕武帝詔曰尚書五都職參政要非但總領衆
局亦乃方軌二丞頃雖求才未臻妙簡可草用士流以

盡時彥乃以都令史視奉朝請

其時以太學博士劉訥兼殿中都司空法曹參

軍劉顯兼兼吏部都太學博士孔虔孫兼金部都司空法曹參軍蕭軌兼左民都宣毅墨曹參軍王顯兼中兵都

五人並以才地兼美歷茲選矣隋開皇初改都令史為都事置八人煬

帝分隸六尚書置六人領六曹事唐因之

主事漢官

漢有南北庭主事三署之事於諸郎茂才者為之後漢范滂自光祿四行遷光祿主事時

陳蕃為光祿勳滂執公儀詣蕃蕃亦不止滂懷恨投版棄官而去郭泰聞之曰若范孟博者宜宜以公禮隔之

蕃乃謝之又胡伯蕃公沙穆並為之

後魏於尚書諸司置主事令史隋於

諸省又各置主事令史員煬帝三年並去令史之名但

曰主事隨曹閒劇而每十令史置一主事不滿十者亦一人雜用士人唐並用流外

令史漢官也後漢尚書令史十八人曹有三人主書後

增劇曹三人合二十一人皆選於蘭臺符節簡練有吏

能者為之

漢官儀云能通蒼頡史籀篇補蘭臺令史滿歲補尚書令史滿歲為尚書郎後漢韋彪上

疏曰往時楚獄大起故置令史以助郎職而類多小人好名姦利今者務簡可皆停省

其尚書郎

初與令史皆主文簿其職一也郎闕以令史久次者補

之光武始草用孝廉孝廉耻焉

故事尚書郎闕以令史久次補之光武始改用

孝廉為郎而孝廉丁郎稱病不就詔問實病蓋為郎乎
對曰臣實不病耻以孝廉為令史職耳帝怒杖之數十
詔問欲為郎否郎曰能殺臣者陛下不能為郎者臣也
中詔遣出終不能為郎又郎中袁著詣闕上書訟梁冀
驕暴與陰殺之學生劉常當代名儒
素善於著冀召常補令史以辱之
舊制尚書郎限滿

補縣長令史補丞尉尚書令鄭弘奏曰職尊賞薄多無

樂者請即補千石令史為長帝從之

蜀志董厥為府令史諸葛亮稱之曰

董令史良士也後遷至尚書令史平臺事

西晉令史朝晡詣都座朝江左唯

早朝而已又賈充為尚書令以目疾表置省事吏四人

尚書置省事自此始也其品職與諸曹令史同

姚萇因苻堅遣

僕射尹緯詣堅問事堅見其瓌傑問曰卿於朕世為何官緯答曰尚書令史堅曰卿宰相才王景畧之儔也而朕失之今日之亡不亦宜乎

晉宋蘭臺寺正書令史雖行文書皆有品秩朱衣執版孔顗為御史中丞坐鞭令史為有司所糾梁陳與晉宋同後魏令史亦朱衣執笏然謂之流外勲品北齊尚書郎判事正令史側坐書令史過事令史皆平揖郎無拜自隋以來令史之任文案煩屑漸為卑冗不參官品

開皇十五年詔州縣佐史三年一代不得重任

煬帝以四省三臺

皆曰令史九寺五監諸府衛皆曰府史于時令史得官

者甚少年限亦賒

隋牛弘常問於騎尉劉炫曰案周禮士多而府史少今令史百倍於前減

則不濟其故何也炫曰古人委任責成歲終考其最殿案不重校文不繁悉府史之任掌要目而已今之文簿常慮覆理鍛鍊苦辛甚密萬里追徵百年舊案故諺曰老吏抱案死今古不同若此之相遠也弘又曰後魏北齊之時令史從容而已今則不遑寧舍其事何由炫曰齊氏立州不過十二府行臺遞相統領文書行下不過十條今州二百其繁一也往者州唯置綱紀郡置守丞縣唯令而已其所具察則長官自辟受詔赴任每州不過數十今則不然大小之事悉由吏部纖介之迹皆屬考功其繁二也省官不如省事省事不如清心官不省而欲從容其可得乎弘

唐武德中天下初定京師穀糴

貴遠人不願仕流外始於諸州調佐史及朝集典充選

不獲已而為之遂促年限優以叙次六七年有至本司主事及上縣尉者自此之後遂為官途總章中詔諸司

令史考滿合選者限試一經時人嗟異著於謠頌

時閭立本

為右相姜恪為左相立本無他才識時以善畫稱之恪累為將軍立功塞外是歲京師饑旱弘文崇賢司成三館學生並放歸本貫當時為之語曰左相宣威沙漠右相馳譽丹青三館學生放散五臺令史明經

行臺省總序

行臺亦曰行臺省自魏晉有之昔魏末晉文帝討諸葛誕散騎常侍裴秀尚書僕射陳泰黃門侍郎鍾會等以

行臺從至晉永嘉四年東海王越帥衆許昌以行臺自

隨是也及後魏謂之尚書大行臺別置官屬

後魏道武帝置中山

行臺以秦王儀為尚書令以鎮之孝文永熙三年以宇文泰為大行臺以蘇綽為行臺度支尚書

北齊

行臺兼統民事自辛術始焉

武定八年辛術為東南道行臺東徐州刺史郭志殺

郡守文宣聞之勅術曰江淮初附百姓難向京師留卿為行臺亦欲理邊民冤枉監治牧守自今以後所統十餘州地諸有犯法者刺史則先啟聽報以下

其官置令

僕射其尚書丞郎皆隨時權制

江左無行臺唯梁宋以侯景為河南王大行臺

承制如鄧禹故事

隋謂之行臺省有尚書令僕射

左右任置

各一人

主事四人有考功

兼吏部主事司勳

禮部

兼祠部主客

膳部兵部

兼職

方

駕部庫部刑部

兼都官司門

度支

兼倉部

金部工部屯田

兼水

部虞

侍郎各一人每行臺置食貨農圃武器百工監副

各置丞

食貨四人農圃一人武器二人百工四人

錄事等員

食貨農圃百工各二人武器一

人蓋隨其所管之道置於外州以行尚書事唐初亦置

行臺貞觀以後廢其後諸道各置採訪等使每使有判

官二人兼判尚書六行事亦行臺之遺制

尚書省第五下

吏部尚書

侍郎 郎中 員外郎 司封郎中
員外郎 司勳郎中 員外郎 考功

郎中 員外郎

吏部尚書

周禮天官太宰之職也漢成帝初置尚書有

祀後又有選部靈帝以梁鵠為選部尚書魏改選部為
吏部主選事晉與魏同宋時吏部尚書領吏部刪定三
公比部四曹孝武不欲權威在下大明二年分吏部尚
書置二人以輕其任而省五兵後還置一吏部尚書順
帝昇明元年又置五兵二尚書晉宋以來吏部尚書資
位尤重梁陳亦然後魏北齊吏部統吏部考功主爵三
曹後周有吏部中大夫一人小吏部下大夫一人領司
勳上士等官屬大司馬隋吏部統吏部主爵司勳考功
四曹唐龍朔二年改吏部尚書為司列大常伯咸亨初
復舊光宅元年改吏部為天官神龍元年復舊天寶十

一年改為文部至德初復舊掌文官選舉總判吏部司
封司勳考功四曹事舊令班在侍中中書令上開元令
移在侍中中書令下尚書六曹吏部兵部為前行戶部
刑部為中行禮工為後行其官屬自後行遷入二部者
以為美自魏以來凡吏部官屬悉高於諸曹其選舉皆
尚書主之自隋置侍郎貳尚書之事則六品以下銓補
多以歸之唐自貞觀以前尚書掌五品選事至景龍中
尚書掌七品以上選侍郎掌八品以下選至景雲元年
宋璟為尚書始通其選而分掌之因為常例開元以前
諸司之官兼知政事者午前議政於朝堂午後理務於
本司自開元以來宰相多兼領之但從容衡軸不自銓錄其
權位尤美而宰相多兼領之但從容衡軸不自銓錄其
選試之任皆侍郎掌之尚書通署而已遂為故事或分
領其事則列為三銓尚書掌其一侍郎分其二尚書所
掌謂之尚書銓侍郎所掌
其一為中銓其二為東銓

臣謹按魏延康元年陳羣為尚書始建九品官人之
法拜吏部尚書及毛玠為之公卿無敢好衣美食者
魏武歎曰孤之法不如毛尚書又按晉山濤為吏部
尚書用人皆先密啟然後公奏舉無失才凡所題目
終始如其言唯用陸亮尋以賄敗啟事曰臣欲以郗
詵為溫令詔可尋又啟曰訪聞詵喪母不時葬遂於
所居屋後假葬有異同之議請更選之詔曰君為管
人倫之職此輩應為清議與不便當裁處又按後魏

自洛陽遷鄴已後掌文選知名者數四北齊文襄帝
少年高明所蔽也踈袁淑沈密謹厚所傷者細楊愔
風流辯給取士失於浮華唯辛術為尚書性尚貞明
擢士以才以器循名責實新舊參舉管庫必擢門閥
不遺前後銓衡術最為折衷甚為當時所稱又按唐
貞觀二十二年二月文部侍郎盧承慶兼檢校兵部
侍郎仍知五品選事承慶辭曰五品選事職在尚書
臣今掌之便是越局太宗不許曰朕今信卿卿何不

自信由此侍郎尚書皆知五品選事又按開元四年

六月勅其員外郎御史併餘供奉官直進名勅授自

此不在吏部

侍郎

二人隋煬帝置說在歷代郎中篇凡六司侍郎皆
貳尚書之事吏部初置一員唐總章元年加一員

龍朔二年改為司列少常伯咸通元年復舊分掌選部
流內六部以下官是為銓衡之任凡初仕進者無不仰
屬焉當選集之際勢傾天下列曹之中資位尤重初隋
世高孝基為吏部侍郎房元齡杜如晦與選孝基特加
賞異後以為知人唐鄭元挺為此官不稱職甚為時談
所鄙常患消渴選人因號為鄭渴坐此遷澧州刺史有
能名武太后重拜為天官侍郎其樊愈甚又以許子儒
為之子儒不以藻鑑為意其補官悉委令史時曰平配

郎中

二人周禮太宰屬官有下大夫即其任也漢魏以來尚書屬或有侍郎或有郎中或曰尚書郎或曰

某曹郎或則兩置或為互名雖稱號不同其職一也皆今郎中之任晉山公啟事曰吏部郎主選舉宜得能整風俗理人倫者齊謝朓為吏部郎上表三議說在郎官篇又王儉為吏部郎專斷曹事又陸慧曉為吏部郎吏部都令史歷政以來咨執選事慧曉任已獨行未嘗與語帝遣左右以事請問之慧曉曰六十之年不復能諮都令史為吏部郎也自過江吏部郎不復與大選又王亮為吏部郎銓序著稱及後為吏部尚書拘資次而已當代謂為不能又職官錄曰梁吏部郎舊視中丞遷侍中隋初諸曹郎皆謂之侍郎煬帝三年置六司侍郎後遂改諸曹侍郎但曰郎其吏部郎改為選部郎唐初復為選部郎中武德五年改為吏部郎中龍朔二年改為司列大夫咸通元年復舊掌選補流外官謂之小銓並掌文官名簿朝集祿賜假使及文官告身分判曹事

員外郎

二人隋開皇六年置吏部員外郎一人煬帝三年改為選部承務郎武德三年復舊後加置一

人一員判廢置一員判南曹起於總章二年司列少常伯李敬元奏置未置以前銓中自勘責故事兩員轉廳至建中以後遂不轉廳貞元十一年閏八月侍郎杜黃裳奏依舊例轉廳初武太后載初元年又加一員聖歷二年八月省開元十二年四月勅兵吏各專定兩人判南曹尋却一人判貞元元年九月又兩人判至十二年八月又却一員判

司封郎中

一人漢尚書有封爵之任而無其官故光武以馮勤為郎中給事郎中使典諸侯封事勤

量功次輕重國土遠近地勢豐薄不相踰越莫不厭伏焉自是封爵之制非勤不定晉尚書有左右主客曹北齊河清中改為主爵置郎中一人屬吏部主封爵之事隋初為主爵侍郎煬帝改為主爵郎武德初為主爵郎

中龍朔二年改為司封大夫咸亨元年復舊光宅元年改為司封郎中掌封爵皇室枝族及諸親內外命婦告身及道士女冠等天寶八載十一月敕道士女冠籍每十載一造永為常式至德二年十一月敕道士女冠等宜依前屬司封曹

員外郎

初改為一人隋文帝置煬帝改為主爵承務郎唐武德

司勳郎中

一人周禮夏官有司勳上士掌六卿賞地之法凡有功者司勳詔之歷代無間至後周吏

部有司勳上士一人掌六勳之賞以等其功如古之主爵隋文帝置司勳侍郎煬帝改為司勳郎永徽五年十

二月四夜司勳庫失火甲歷並盡龍朔二年改為司勳大夫咸通初復故掌校定勳績論官賞勳官告身等事

員外郎

二人隋文帝置煬帝改司勳承務郎唐武德初為司勳員外郎

考功郎中

一人漢明帝時京房作考功課吏之法然無其職至光武改尚書三公曹主歲書考課

諸州郡魏尚書有考功定課二曹宋元嘉三年又置功論郎並其任也列在吏部郎中篇後魏考功郎掌考第孝秀北齊考功郎中亦掌考第及孝秀貢士隋文帝置考功侍郎煬帝改為考功郎唐武德初復為考功郎中龍朔二年改考功為司績咸通初復舊掌考察内外百官及功臣家傳碑頌誌等事

員外郎

一人隋文帝置煬帝改考功承務郎唐武德初復為考功員外郎其後曹改而官不易武德舊

令考功郎中監試貢舉人貞觀以來乃以員外郎專掌貢舉至開元二十四年移貢舉於禮部而考功員外郎分判事而已

戶部尚書

侍郎 郎中 員外郎 度支郎中 員外郎 倉部

郎中 員外郎

戶部尚書

周禮地官大司徒之職也漢置尚書郎四人其一主財帛委輸至魏文帝置度支尚書寺

專掌軍國支計吳有戶部孫休初即位戶部尚書階下讀奏晉有度支時杜預為度支尚書內以利民外以脩邊張華為度支尚書量計運漕決定廟算皆主算也宋齊度支尚書領度支金部倉部起部四曹梁亦有之後魏度支亦掌支計崔亮為度支尚書經營費用歲減億計北齊度支統度支倉部左戶右戶金部庫部六曹後周置大司徒卿一人如周禮之制其屬有民部中大夫二人掌承司徒教以籍帳之法贊計人民之衆寡隋初有度支尚書則併後周民部之職開皇三年改度支為民部統度支民部金部倉部四曹唐修隋志謂之戶部蓋以太宗之諱故也唐實自永徽初始改民部為戶部以太宗在位詔官名及公私文籍有世民兩字不相連

者並不諱至高宗始諱之顯慶元年改戶部為度支龍
朔二年改度支尚書為司元太常伯咸亨元年復為戶
部尚書初戶部居禮部之後武太后改置天地四時之
官以戶部為地官由是遂居禮部前神龍元年復改地
官為戶部總判戶部
金部度支倉部事

臣謹按漢成帝初置尚書有民曹主凡吏民上書悉
經此曹理之後漢光武改民曹主繕修功作鹽池苑
囿魏置左民尚書晉惠帝又加置右民尚書至于宋
齊梁陳皆有左民尚書而後魏有左民右民等尚書
多領工官非今戶部之例而梁陳兼掌戶籍此則略

同自周隋有民部始為今戶部之職

侍郎

二人蓋周官小司徒中大夫也後周依周官隋煬

帝置民部侍郎唐因之後改曰戶部龍朔二年改為司元少常伯咸亨元年復為戶部侍郎他時曹名或改而官不易舊制一員長安四年加一員神龍元年減

二年
復加

郎中

二人漢尚書郎一人主戶口墾田吳時張溫為尚書戶曹郎魏有民曹郎晉分為左右民曹宋齊以

下或為左民或為左戶後魏有左戶曹郎北齊有左右民曹例在吏部郎中篇隋初為戶部侍郎煬帝除侍字

隋末改為民部郎唐武德初為民部郎中龍朔二年改

郎中為大夫咸通元年復舊他時曹名或改而官號不

易掌戶口籍帳賦役孝義優復蠲免婚姻繼嗣百官衆

庶園宅口分永業等建中二年正月戶部侍郎判度支

杜佑奏天寶以前戶部民繁所以郎中員外各二人判書自兵興以後戶部事簡度支事繁唯郎中員外各一人請迴轍郎中員外各一人分判度支案待天下兵革息却歸本曹從之

員外郎

二人隋文帝置煬帝改承務郎唐武德三年復為員外郎

度支郎中

一人漢初張蒼善算以列侯主計居相府領郡國上計者謂之計相殆今度支之任魏有

度支尚書晉宋齊梁陳後魏並有隋初為度支侍郎煬帝除侍字唐武德初加中書龍朔二年改度支為司度大夫咸亨元年復舊掌支使國用至德以後戎事費多二年十二月呂諲為兵部侍郎平章事充度支使寶應元年正月劉晏為戶部侍郎度支使二年二月韓滉以宰相加度支使五月二日寶參為中書侍郎平章事度支使自後雖無亦有他官判或云權判亦云專判

員外郎

一人改置與戶部員外郎同

金部郎中

一人周官有職金掌金玉錫石丹青之令魏尚書有金部郎歷代多有之北齊金部主裁

量尺度內外諸庫藏文帳隋祖孝徵薦盧昌衡為尚書金部郎每謂人曰吾用盧子均為尚書郎真無愧幽明矣隋初為金部侍郎煬帝除侍字唐武德中加中字龍朔二年改金部為司珍大夫咸亨初復舊掌庫藏金寶貨物權衡度量等事自開元二年置鑄錢使皆以他官為之

員外郎

一人改置與戶部員外郎同

倉部郎中

一人周官有倉人主藏九穀又倉部郎後魏九穀之數調賜稍食魏尚書有倉部郎後魏

太倉尚書亦其任也故後魏書曰李訢為太倉尚書攝南部事令千里之外戶別轉運詣倉輸之所在委積延

停歲月大為困弊晉宋以來歷代多有倉部曹皆掌倉廩之事後周有地官屬司倉下大夫隋初為倉部侍郎煬帝除侍字唐武德中加中字龍朔二年改倉部為司庾大夫咸亨初復舊天寶中改為司儲至德初復舊掌諸倉廩之事開元十六年以後置出納使皆以他官為之

員外郎

一人改置與戶部員外郎同

禮部尚書

侍郎

郎中

員外郎

祠部郎中

主客

郎中

員外郎

膳部郎中

員外郎

禮部尚書

唐虞之時秩宗典三禮周禮春官大宗伯掌建邦之天神人鬼地祇之禮漢成帝置尚書

五人其四曰客曹主外國夷狄事後漢尚書吏部兼掌齋祀亦其職也魏尚書有祠部曹及晉江左有祠部尚

書掌廟祧之禮常與右僕射通職宋祠部尚書領祠部儀曹二之歷代皆與右僕射通職宋祠部尚書領祠部儀曹二曹齊梁陳皆有祠部尚書後魏為儀曹尚書北齊祠部尚書統祠部主客虞部屯田起部五曹又有儀曹主吉凶禮制屬殿中尚書後周置春官卿又有禮部而不言職事後改禮部為宗伯又春官之屬有典命掌內外九族之差及玉帛衣服之令沙門道士之法後改典命為大司禮俄改大司禮復為禮部謂之禮部大夫至隋置禮部尚書統禮部祠部主客膳部四曹蓋因後周禮部之名兼前代祠部儀曹之職唐龍朔二年改禮部尚書為司禮太常伯咸亨元年復舊先宅元年改禮部為春官神龍元年復舊總判祠部禮部膳部主客事

侍郎

一人周官春官小宗伯今侍郎則隋煬帝置唐因之龍朔二年改為司禮少常伯咸亨元年復舊他

時曹名或改而官號不易掌策試貢舉及齋郎弘崇國子生等事舊制考工員外郎掌貢舉開元二十二年考

工員外郎李昂為進士李權所詆朝議以考工位輕不足
以臨多士至二十四年遂以禮部侍郎掌馬開元天
寶之中昇平既久羣士務進天下髦彥由其
取舍故勢傾當時資與吏部侍郎等同

郎中

有儀曹郎掌吉凶禮制歷代多有例在吏部郎中

篇宋齊儀曹屬祠部梁書曰武帝謂徐勉云今帝業初
基須一人有學藝解朝儀者為尚書儀曹郎勉曰孔休
源識見清通詳練故事自晉宋起居注畧誦遂拜為儀
曹郎後周依周官隋初為禮部侍郎煬帝除侍字又改
為儀曹郎唐武德初改為禮部郎中龍朔二年改為司
禮大夫咸亨初復舊其後曹名或改而官號不易掌禮
樂學校儀式制度衣冠符印表疏冊
命祥瑞鋪設喪葬贈賻及宮人等

員外郎

一人周禮肆師上士後周依馬至隋文帝置禮
部員外郎煬帝改為儀曹承務郎唐武德三年

復舊其後曹
改而官不易

祠部郎中

一人魏尚書有祠部郎歷代皆有主禮制後魏裴修為中大夫兼祠部曹主禮樂

每有疑議修撰斟酌故實咸有條貫後周有典祠中大夫隋初為侍郎煬帝除侍字唐武德中加中字龍朔二年改為司禮大夫咸亨元年復舊延載元年五月制天下僧尼隸祠部不須屬司賓開元十一年改祠部為職祠至德初復舊掌祠祀天文漏刻國忌廟諱卜祝醫藥等及僧尼簿籍自天寶六載及至德三年常置祠部使以他官為之

員外郎

一人改置與戶部員外郎同

膳部郎中

一人膳部於周官即膳夫凌人二職也晉尚書有左士右士曹後魏都官尚書管左士郎

北齊改左士為膳部郎掌侍官百司禮食肴饌屬都官尚書後周有膳部大夫一人亦掌飲食屬大冢宰隋膳部屬祠部初置侍郎煬帝除侍字唐武德中加中字龍朔二年改為司膳至德初復舊掌飲膳藏冰及食料

員外郎

一人改置與戶部員外郎同

主客郎中

一人漢成帝初置五尚書有客曹主外國夷狄後漢光武分改為南主客北主客二曹魏

亦有南主客晉氏分為左右南北四主客或單為客曹宋齊梁陳單有主客後魏吏部管南主客祠部管左主客北齊改左主客為主爵南主客為主客隋初為侍郎煬帝除侍字尋又改為司籍郎唐武德初改為主客郎中龍朔二年又改主客為司藩咸亨元年復舊掌二王後及諸藩朝聘

員外郎

一人改置與戶部員外郎同

兵部尚書

侍郎

郎中

員外郎

職方郎中

駕部郎中

員外郎

庫部

郎中

員外郎

兵部尚書

周禮夏官大司馬之職也魏置五兵尚書五兵謂中兵外兵騎兵別兵都兵也晉初無太

康中乃有之而又分中兵外兵各為左右與舊五兵為七曹然尚書唯置五兵而已無七兵尚書之名後魏始有七兵尚書今諸家或謂晉太康中置七兵尚書誤矣宋五兵尚書唯領中兵外兵二曹餘則無矣齊梁陳皆有之後魏為七兵尚書北齊為五兵統五曹曰左中兵掌諸都督告身諸宿衛官曰右中兵掌畿內丁帳事諸兵力士曰左外兵掌河南及潼關以東諸州丁帳及發召諸兵曰右外兵掌河北及潼關以西諸州所興與左外兵同曰都兵掌鼓吹大樂部小兵等事後周置大司馬其屬又有兵部中大夫小兵部下大夫其職並闕至

隋乃有兵部尚書統兵部職方駕部庫部四曹蓋因後周兵部之名兼前代五兵之職唐龍朔二年改兵部尚書為司戎太常伯咸亨元年復舊光宅元年改為夏官神龍元年復舊天寶十一年改為武部至德初復舊掌武官選舉總判兵部職方駕部庫部事其分領選舉亦為三銓制如吏部尚書所掌謂之尚書銓侍郎所掌其一為中銓其一為西銓各有印

侍郎

二人隋煬帝置唐因之龍朔二年改為司戎少常伯咸亨元年復舊他時曹名或改而官不易舊制

一員總章元年加一員掌署武職武勲官三衛及兵士以上簿書朝集祿賜假使差發配親士帳內考覈及給

武職

告身

郎中

二人歷代兵部曹皆有郎見尚書中或單為郎或置郎中例在吏部郎中篇隋初為兵部侍郎煬帝

除侍字又改為兵曹郎唐武德三年改為兵部郎中龍朔二年改為司戎大夫咸亨元年復舊掌與侍郎同

員外郎

二人隋文帝置兵部員外郎煬帝改為兵曹承務郎唐武德三年復舊其後曹改而官不易

職方郎中

一人周禮夏官有職方氏掌天下之圖下九州之國歷代無聞至後周依周官隋初有職

方侍郎煬帝除侍字唐武德中加中字龍朔二年改為司城大夫咸亨元年復舊掌地圖城隍鎮戍烽候防人路程遠近歸化酋渠

員外郎

一人周官夏官職方上士後周依周官隋改置與戶部員外郎同

駕部郎中

一人周禮夏官之屬有輿司馬之職是其任也魏晉尚書有駕部郎宋時駕部屬左民尚

書齊亦有之後魏與北齊並曰駕部郎中後周有駕部中大夫屬夏官隋初為駕部侍郎屬兵部辛公義為駕

部侍郎勾檢馬牧所獲千餘萬匹文帝喜曰唯我公義
奉國竭忠煬帝除侍字唐武德三年加中字龍朔二年
改為司輿大夫咸亨初復舊天寶中改駕部為司駕至
德初復舊掌輿輦車乘郵驛廐牧司牛馬驢騾閑遺之
政開元十八年閏六月勅比來給傳使人為先傳馬事
頗勞煩自今以後應乘傳者宜給紙券二十三年七月
勅新除都督刺史并闕三官州上佐並給驛發遣二十
八年六月勅有陸驛處得置水驛自二十年以後常置
館驛使以
他官為之

員外郎

一人周官有輿上士後周有小駕
上士蓋其任也至隋置與戶部同

庫部郎中

一人周官有司甲掌戈盾弓矢之長各辨其
物以待軍事魏尚書有庫部郎晉因之宋庫

部主兵仗文帝宴會有荒服外歸化人帝問尚書庫部
郎顧琛曰庫中仗有幾許琛詭對曰有十萬人仗舊武

庫仗多祕不言帝既失問及珠詭對善之歷代或有或
闕後魏北齊庫部屬度支尚書掌凡戎仗器用後周有
武藏中大夫隋屬兵部初為庫部侍郎煬帝除侍字唐
武德中加中字龍朔二年改為司庫大夫咸亨初復舊
後天寶十一載又改庫部為司庫至德初
復舊掌軍器儀仗鹵簿法式及乘具等

員外郎

一人周官有司兵中士後周有小
武藏下大夫隋改置與戶部同

刑部尚書

侍郎

郎中

員外郎

都官郎中

員外郎

比部郎中

員外郎

司門

郎中

員外郎

刑部尚書

唐虞之時士官以正五刑周禮秋官大司寇
之任也漢成帝時尚書初置二千石曹主郡

國二千石又置三公曹主斷獄後漢光武改三公曹主
歲盡考課諸州郡政二千石曹掌中都官水火盜賊辭

訟罪法亦謂之賊曹重於諸曹魏晉以來始重吏部魏
青龍二年置尚書都官郎佐督軍事晉復以三公尚書
掌刑獄宋三公比部皆主刑法又置都官尚書主軍事
刑獄領都官水部庫部功論四曹齊梁陳並有都官尚
書後魏亦有都官尚書北齊都官統都官二千石比部
水部膳部五曹又有三公曹掌諸曹囚帳斷罪赦日建
金鷄等事又掌五時讀時令屬殿中尚書後周有秋官
大司寇卿掌刑邦國其屬官又有刑部中大夫掌五刑
之法隋初有都官尚書開皇三年改都官為刑部尚書
統都官刑部比部司門四曹亦因後周之名唐因之龍
朔二年改刑部尚書為司刑太常伯咸亨元年復舊武
太后改刑部為秋官神龍初復舊天寶中改為憲部至
德初復舊總判刑部
都官比部司門事

侍郎

一人周官小司寇中大夫蓋今任也後周依周官
至隋煬帝置刑部侍郎唐因之龍朔二年改為司

刑少常伯咸亨元年復舊他時曹名或改而官號不易掌律令定刑名及諸州應奏之事

郎中

二人周官大司寇屬官有士師下大夫蓋今任也漢尚書有三公曹後漢有二千石曹魏有都官曹

皆掌刑法獄訟之事歷代沿革具尚書中或為侍郎或置郎中例在吏部郎中篇後周有小刑部下大夫屬秋官府隋初置刑部侍郎煬帝除侍字又改憲部郎唐武德三年改為刑部郎中龍朔二年改為司刑大夫咸亨元年復舊與侍郎同

員外郎

二人隋文帝置刑部員外郎煬帝改為憲部承務郎唐武德三年改為刑部員外郎其後曹改

而官不易

都官郎中

一人漢司隸校尉屬官有都官從事掌中都官不法事後漢又改尚書二千石曹掌中都

官水火盜賊魏青龍二年始置尚書都官郎佐督軍事
晉宋尚書都官兼主刑獄歷代事具尚書中其官例在
吏部郎中注後周則曰司厲隋初為都官侍郎掌簿錄
配沒官私奴婢良賤訴競俘囚等事煬帝除侍郎字置員

外二人唐武德二年加中字減一人龍
朔二年改為司僕大夫咸亨元年復舊

員外郎一人周官曰司厲下士蓋並今任
也後周依馬隋改置與戶部同

比部郎中一人魏尚書有比部曹晉因之宋時比部主
法制齊梁陳皆有比部曹後魏亦然北齊掌

詔書律令勾檢等事後周曰計部中大夫蓋其任也隋
初為比部侍郎煬帝除侍字唐武德中加中字龍朔二
年改為司計大夫咸亨元年復舊天寶十一載又改比
部為司計至德初復舊掌內外諸司俸料公廨及公私
債負徒役功程賦贖
物帳及勾用度物

員外郎

一人改置與戶部員外郎同

司門郎中

一人周禮地官有司門下大夫掌授管鍵啟閉歷代多闕至後周依周官隋初有司門侍

郎煬帝除侍字唐武德三年加中字龍朔二年改為司門大夫咸亨元年復舊掌門籍闕橋及道路過所關遺

事物

員外郎

一人周官有司門上士後周依馬後改置與戶部同

工部尚書

侍郎 郎中 員外郎 屯田郎中 員外郎 虞部郎中 員外郎 水部

郎中

員外郎

工部尚書

周禮冬官其屬有考功掌百工之事曰國有六職百工是其一焉漢成帝初置尚書有民

曹主凡吏民上書後漢光武改民曹主繕修功作鹽池園苑之事魏置左民尚書亦領其職晉宋以來有起部尚書而不常置每營宗廟宮室則權置之事畢則省以其事分屬都官左民二尚書北齊起部亦掌工造屬祠部尚書後周有冬官大司空卿掌五材九範之法其屬有工部中大夫二人承司之事掌百工籍而理其禁令至隋乃有工部尚書統工部屯田二曹蓋因後周工部之名兼前代起部之職唐龍朔二年改工部尚書為司平太常伯咸亨元年復舊武太后改工部為冬官神龍初復舊總判工部屯田虞部水部事

侍郎

一人隋煬帝改置工部侍郎唐因之龍朔二年改司平少常伯咸亨元年復舊他時曹名或改而官

不易掌興造工匠諸公廨屋宇五行并紙筆墨等事

郎中

一人晉尚書有起部曹歷代皆有具尚書中隋初為工部侍郎煬帝除侍字又改為起部郎唐武德

二年改為工部郎中龍朔二年改為司平大夫咸亨元年復舊其後曹名改而官不易所掌與侍郎同

員外郎一人隋文帝置工部員外郎煬帝改為起部承務郎唐武德三年復為工部員外郎其後曹改

而官不易

屯田郎中

一人漢成帝置尚書郎四人其一人主戶口

後郎又其職也晉始有屯田郎中及太康中謂之田曹後復為屯田江左及宋齊則左民郎中兼知屯田事梁

陳則曰侍郎後魏北齊並為屯田郎隋初為屯田侍郎兼掌儀式之事煬帝除侍字唐武德三年加中字龍朔

二年改為司田大夫咸亨元年復舊掌屯田官田諸司公廨官人職分賜田及官園宅等

員外郎

一人改置與戶部員外郎同

虞部郎中

一人虞部蓋古虞人之遺職至魏尚書有虞曹郎中晉因之梁陳曰侍郎後魏北齊虞曹

掌地圖山川近遠園圃田獵雜味等並屬虞部尚書後周有虞部下大夫一人掌山澤草木鳥獸而蕃阜之又有小虞部並屬大司馬隋初為虞部侍郎屬工部煬帝除侍字唐武德中加中字龍朔二年改司虞大夫咸亨元年復舊天寶十一載又加虞部為司虞至德初復舊掌京城街巷種植山澤苑園草木薪炭供湏田獵等事

員外郎

一人隋初置與戶部員外郎同唐龍朔以後曹名改而官不易也


水部郎中

一人周禮夏官有司險掌設國之五溝五塗而達其道路蓋其職也魏尚書有水部郎歷

代或置或否後魏北齊有水部屬都官尚書亦掌舟船津梁之事後周有司水大夫隋初為水部侍郎屬工部煬帝除侍字唐武德三年加中字龍朔二年改為司水大夫咸亨元年復舊天寶中改水部為司水至德初復

舊掌川瀆津濟船艫浮橋渠
堰漁捕運漕水碾磑等事

員外郎一人後周小司水上士隋改置與戶部員外郎同唐龍朔二年以後曹名改而官不易



通志卷五十三

欽定四庫全書

史部

通志卷五十四

詳校官侍讀臣陳萬青

編修臣裴謙覆勘

覆校官助教臣金學詩

校對官典簿臣劉光第

繕錄監生臣連彭年

欽定四庫全書

通志卷五十四

宋 右迪功郎 鄭樵 漁仲 撰

職官略第四

御史臺第六

御史之名周官有之蓋掌贊書而授法令非今任也戰國時亦有御史秦趙澠池之會各命書其事又淳于髡謂齊王曰御史在前則皆記事之職也至秦漢為糾察

之任秦以御史監郡漢初叔孫通新定禮儀以御史執法舉不如儀者輒引而去是也所居漢謂之御史府亦謂之御史大夫寺

漢御史大夫寺在大司馬門內無塾其門署用梓版不牖色題曰御史大

夫寺

亦謂之憲臺成帝時御史府吏舍百餘區井水皆竭

又其府中列柏樹常有野鳥數千棲宿其上晨去暮來號曰朝夕烏烏去不來者數月長老異之後果廢御史大夫為大司空是其徵也後漢以來謂之御史臺亦謂之蘭臺寺

顏師古曰官曹通名為寺應劭官儀曰廷尉案貴上御史臺又謝靈運晉書曰漢尚書為

中臺御史為憲臺謁者為外臺是謂三臺後漢蔡邕時
以待御史轉治書御史遷尚書三日之間周遷三臺

梁及後魏北齊或謂之南臺

東魏時高澄用崔暹為御史中尉宋遊道為尚書左

丞謂之曰卿一人處南臺一人處北省當使天下肅然

後魏之制有公事百官朝

會名簿自尚書令僕以下悉送南臺

後魏臨洮王舉哀兼上尚書左僕射

元順不肯送名又不送簿中尉舉彈之順奏曰尚書百
揆之本令僕納言之責不宜下隸中尉送名御史詔許
之後元子思為御史中尉朔朝臺移尚書索應朝名帳
尚書郎裴獻伯移注云按蔡氏漢儀御史中尉逢臺郎
於複道中尉下避執版郎中車上舉手禮之以此而言
明非敵體子思奏曰臣按漢書御史中丞為獨坐又按
魏書曰崔琰為中丞百寮震恐則中丞不揖省郎亦已
久矣憲臺不屬都坐亦非今日又按孝文帝職令朝會

失時則御史彈之若不送名到否何驗獻伯等亂常變紀請付法詔曰國異政不可據以古事檢孝文帝舊格以聞尋從
子思奏後周曰司憲屬秋官府隋及唐皆曰御史臺

龍朔二年改為憲臺咸亨元年復舊門北闕主陰殺也

按北齊楊撈伽鄴都故事云御史臺在宮闕西南其門北開取冬殺之義斯事久矣今東都臺門所以不北向者蓋欲變古之制或建造者不習故事耳唐龍朔中改司經局為桂坊置司直為東宮之憲府亦開北門以象御史臺其例明矣或云隋初移長安城造御史臺時有兵部尚書李員通檢校御史大夫欲於尚書省近故開北門此說非也故御史為風霜之任彈糾不法百僚震恐官之雄峻莫之比焉舊制但聞風彈事提綱而已

舊例御史臺不受訴

訟有通辭狀者立於臺門候御史御史往門外收採如
可彈者略其姓名皆云風聞訪知唐永徽中崔義元為
大夫始定受事御史人知一日其鞫案禁繫則委之大
効狀題告人姓名或訴訟之事

理貞觀末御史中丞李乾祐以囚自大理來往滋其姦
偽又按事入法多為大理所反乃奏於臺中置東西二
獄以自繫効開元中大夫崔隱甫復奏罷之其後罕有
聞風彈舉之事多受辭訟推覆理盡然後彈之將有彈

奏則先牒監門禁止勿許其入

按宋書云二臺効奏符
光祿加禁止不得入殿

省是其先例
光祿主殿門

武太后時改御史臺為肅政臺凡置左右

肅政二臺別置大夫中丞各一人侍御史殿中監察各

二十人

人置肅政臺使
六人尋罷之

左以察朝廷右以澄郡縣時議

以右多名流左多寒賤其遷登南省者右殆倍焉以其
不陵朝貴故也二臺迭相糾正而左加畏憚龍朔以後
去肅政之名但為左右御史臺初置兩臺每年春秋發
使春曰風俗秋曰廉察令地官尚書韋方質為條例刪
定為四十八條以察州縣延載以後奉勅乃巡不每年
出使也睿宗即位詔二臺並察京師資位既等競為彈

紂百僚被察殆不堪命太極元年以尚書省悉隸左臺
月餘右臺復請分綰尚書西行事左臺大夫竇懷貞乃
表請依貞觀故事遂廢右臺而本御史臺官復舊廢臺
之官並隸焉大夫一人中丞二人侍御史四人殿中侍
御史六人監察御史十人主簿一人內供奉裏行者各
如正員之半

太宗朝始有裏行之名高宗時方置內供奉及裏行官皆非正官也開元初又置御

史裏使殿中裏使監察裏使等官並無定員義與裏行同穆思泰元光謙呂太一翟章並為裏使尋省建中三年九月御史臺請置推官一人

其臺憲故事官資輕重

則杜易簡韓琬注記詳焉

杜易簡撰御史雜法四卷
韓琬撰御史臺記十二卷

御史大夫

中丞
侍御史

主簿

殿中侍御史

監察

御史大夫

秦官侍御史之率故稱大夫漢因之位上卿
銀印青綬掌副丞相故事選郡守相高第為

御史大夫任職者為丞相成帝綏和元年更名大司空
成帝欲修辟雍通三公官故改御史大夫為大司空金
印紫綬秩凡丞相哀帝建平二年朱博奏請罷大司空
以御史大夫為百僚師帝從之遂復為御史大夫皆宰
相之任元壽二年復為大司空凡為御史大夫而丞相
次也其心冀幸丞相物故或乃陰私相毀害欲代之故
史記謂鄭弘為大夫守之數年不得匡衡居之未滿歲
而丞相死即代之後漢初廢御史大夫至建安十三年
罷三公官始復置之以郝慮居焉不領中丞置長史一
人魏黃初二年又改御史大夫為司空末年復有大夫

而吳有左右焉晉書曰魏以司空何曾為晉國丞相以王沈為御史大夫吳孫休以丁密孟宗為左右御史大夫是也晉初省之此皆為三公非今御史大夫也今御史大夫即漢以來御史中丞是也後代或置大夫皆中丞之互名非漢舊大夫之任唯劉聰僭號置御史大夫亞於三公頗似漢制也

臣謹按漢舊儀拜御史大夫為丞相左右前後將軍贊五官中郎將授印拜御史大夫二千石贊左右郎將授印

中丞初漢御史大夫有兩丞一曰御史丞一曰中丞亦謂中丞為御史中執法漢高帝詔徵賢良御史大夫下相國相國下諸侯王御史中執法晉灼曰中執法中丞也中丞在殿中蘭臺有石室以藏秘書圖讖之屬

以其在殿中故曰中丞外督部刺史內領侍御史十五員受公卿奏事舉劾按章蓋居殿中察舉非法也及御史大夫轉為大司空而中丞出外為御史臺率即隋唐御史大夫任也周官小宰之職掌建邦之宮刑以治王宮之政令凡宮之糾禁注曰若今御史中丞初御史大夫更名大司空置長史而中丞官職如故武帝時以中丞督司隸司隸督丞相丞相督司直司直督刺史刺史督二千石下至墨綬哀帝元壽二年御史中丞更名御史長史後漢光武復改為中丞兩梁冠銅印青綬與尚書令司隸校尉朝會皆專席而坐京師號為獨坐言其尊也凡中丞以下至侍御治書並文官屬少府魏初改中丞為宮正舉鮑勛為之百僚嚴憚後復為中丞晉亦因漢以中丞為臺主與司隸分督百僚自皇太子以下無所不糾初不得糾尚書後亦糾之從傳咸之奏也中丞專糾行馬內司隸專糾行馬外雖制如是然亦更奏衆官實無其限宋中丞一人每月二十五日繞行宮垣

白壁漢志執金吾每月一日繞行宮城疑是省金吾此事併中丞也銅印墨綬進賢兩梁冠佩水蒼玉介幘絳朝服孝武帝孝建二年制中丞與尚書令分道雖丞郎下朝相值亦得斷之餘內外衆官皆受停駐齊中丞職無不察專道而行騶輻禁呵加以聲色武將相逢輒致侵犯若有鹵簿至相毆擊梁國初建又置御史大夫天監元年復曰中丞中丞一人掌督司百僚皇太子其在宮門行馬內違法者皆糾彈之雖在行馬外而監司不糾亦得奏之專道而行違尚書丞郎亦得停駐其尚書令僕御史中丞各給威儀十人自齊梁皆謂中丞為南司江淹為中丞齊明帝謂曰今君為南司足以震肅百僚也陳因梁制江左中丞雖亦一時髦彥然膏粱名士猶不樂王氏分枝居烏衣者為官微減僧虔為此官乃曰此是烏衣諸郎坐處我亦可試為耳後魏為御史中尉督司百僚其出入千步清道與皇太子分路王公百辟咸使遜避其餘百僚下馬弛車止路傍其違緩者以

捧棒之其後洛陽令得與分道自東魏徙鄴無復此制
北齊高道穆為御史中丞武成帝姊壽陽公主犯清路
呵之不止道穆令卒捧破其車主泣訴於帝帝不責道
穆謂曰家姊行路相犯極以為愧後周有司憲中大夫
二人掌司寇之法辨國之五禁隋以國諱改中丞為大
夫唐因隋亦曰大夫龍朔二年改為大司憲咸亨初復
舊武太后改置左右肅政臺御史大夫各一人太極初
復舊掌肅清風俗彈糾內外總判臺事故事侍御史以
下與大夫抗禮光宅元年九月韋思謙除左肅政大夫
遂坐受拜其後大夫又與之抗禮至開元十八年有勅
申明隔品致敬其禮由之不改至二十四年六月李適
之為大夫又坐受拜後復與抗禮至後不改御史中丞
舊治書侍御史也初漢宣帝元鳳中感路溫舒尚德緩
刑之言季秋後請讞時帝幸宣室齋居而決事令侍御
史二人治書治書御史起於此也後因別置冠法冠有
印綬與符節郎共平廷尉奏事罪當輕重後漢亦二人

銅印青綬選明法律者為之蔡質漢儀曰選御史高第者補之凡天下諸獄疑事掌以法律當其是非自桓帝之後無所平理苟充其位而已魏置治書執法掌奏劾而治書侍御史掌律令二官俱置晉置四人泰始四年又置黃沙獄治書侍御史一人秩與中丞同掌詔獄及廷尉不當者皆理之後并江南遂省黃沙治書侍御史及太康中又省治書侍御史二員魏晉以來治書侍御史分掌侍御史所掌諸曹若尚書二丞宋代掌舉劾齊梁並同皆統侍御史自宋齊以來此官不重自郎官轉治書者謂之南齊梁天監初始重其選車前依尚書二丞給三駟執威印青囊舊事糾彈官印綬在前故也後魏掌糾禁內朝會失時服章違錯饗宴會見悉所監之北齊亦有焉後周有司憲上士二人亦其任也隋又為治書侍御史臺中簿領悉以主之唐永徽初高宗即位以國諱故改治書侍御史為御史中丞龍朔二年改為司憲大夫咸亨元年復為中丞二人亦時有內供奉職

副大夫通判臺事開元二十一年三月
置京畿都採訪處置使以中丞為之

臣謹按漢中丞故二千石為之或選侍御史高第執
憲中司出為二千石又按宋文帝元嘉十三年有司
奏御史中丞劉式之議每至出行未知制與何官分
道舊科法唯稱中丞專道傳詔荷詔信喚衆官應詔
者得行制令無分別他官之文皇太子不宜與衆同
例中丞應與分道揚州刺史丹陽尹建康令並是京
輦土地之主或檢校非違或赴救水火事應神速不

宜稽駐並合分道又尋六門則為行馬之內且禁衛
非違並由二衛及領軍既非郡縣界則京尹建康令
即不合依門外也又按後魏元志為洛陽令與中尉
李彪爭路俱入見彪曰御史中尉辟乘華羽蓋駐論
道劍鼓安有洛陽令與臣抗衡志曰臣神州縣主普
天之下誰非編民豈有俯同衆官趨避中尉孝文遂
令分路

侍御史

於周為柱下史老聃嘗為之以其在殿柱之間
故曰柱下史秦時張蒼為御史上柱下方書又

云蒼為柱下御史明習天下圖書計史籍一名柱後史冠曰法冠一名柱後惠文以鐵為柱言其審固不撓也法冠者秦始皇滅楚以其君冠賜御史亦名獬豸冠獬豸獸一角以觸邪故執法者冠之亦為侍御史漢因之凡十五員其舉郡國孝廉第四科云有能按章覆問文中御史惠帝三年相國奏遣御史以九條監三府不法事每三歲一更常十一月奏事三月還其後又置監御史漢官儀曰侍御史出督州郡盜賊運漕軍糧武帝時侍御史又有繡衣直指者出討姦猾理大獄訟觀覽風俗專行誅賞而不常置沈約云繡衣御史光武省順帝復置魏罷之後漢亦有侍御史員察舉非法受公卿羣吏奏事有違失舉劾之凡郊廟之祠及大朝會大封拜則一人監威儀有違失則劾奏以公府掾屬高第補之或故牧守議郎郎中為之唯德所在初上稱守滿歲拜真出劇為刺史二千石平遷補縣令見中丞執板揖順帝復絕他選專用宰士凡二漢侍御史所掌有五曹一

曰令曹掌律令二曰印曹掌刻印三曰供曹掌齊祀四曰尉馬曹掌廐馬五曰乘曹掌車駕豹尾之內便為禁省魏置八人所掌凡八部有治書曹課第曹其餘則闕當大會殿中御史簪白筆側階而坐曹侍御史九人頗用郡守為之品同持書而所掌有十三曹曰吏曹課第曹直事曹印曹中都督曹外都督曹媒曹符節曹水曹中壘曹營軍曹法曹算曹及江左初省課第曹置庫曹掌廐牧牛馬市租其後分庫曹置內左庫外左庫二曹宋代多併諸曹凡十人馬自漢以來皆朝服法冠齊亦置十人梁陳皆九人居曹糾察不法後魏御史八人其權甚重必以對策高第者補之侍御史與殿中侍御史畫則外臺受事夜則番直內臺御史舊式不隨臺主簡代延昌中王顯有寵於宣武為御史中尉始請革選此後踵其事每一中尉則更簡代御史北齊有八人亦重其選後周有司憲中士則其任也隋侍御史八人自開皇前猶踵後魏革選自開皇之後始自吏部選用不由臺

主仍依舊入直禁中大業中始罷御史直宿臺內文書
皆持書主之侍御史但侍從糾察而已由是資格少減
唐自貞觀初以法治天下尤重建言故御史復為雄要
其將除拜皆吏部與臺長官審判議定然後依選例補
奏其內詔別拜者不在其限麟德以來用人尤重選授
之命不由銓管及李義府掌大選寵任既重始得補之
自義府之後無出於吏部者舊御史遭長官於塗皆免
帽降乘長官戢轡辭而止焉乾封中王本立為侍御史
意氣頗高塗逢長官端揖而已自後諸人或降而立或
一足至地或側鞍弛韁輕重無常開元以來但舉鞭聲
揖而已侍御史凡四員內供奉二員掌糾察內外受制
出使分判臺事又分直朝堂與給事中中書舍人同受
表理冤訟迭知一日謂之三司受事其事有大者則詔
下尚書刑部御史臺大理寺同按之亦謂此為三司推
事後漢光武中詔御史寒朗共三府按楚獄亦此三司
之例也武太后時刑獄滋章凡二臺御史多苛刻無恩

以誅暴為事猜阻傾奪更相陵暴此其為弊也神龍以來稍革之其後名流慎選俸於貞觀永徽矣侍御史之職有四曰推掌推鞠曰彈掌彈舉曰公廨知公廨事曰雜事臺事悉判之凡殿中監察以下職事及進名改轉臺內之事悉主之號為臺端他人稱之曰端公其知雜事者謂之雜端最為雄劇食坐之南設橫榻謂之南牀殿中監察不得坐亦謂之癡牀言處其上者皆驕傲自得使人如癡故謂之癡牀

殿中侍御史

魏蘭臺遣侍御史居殿中察非法即殿中侍御史之始也晉置四人江左多置二人

梁有四人掌殿內禁衛內事後魏北齊皆有之隋初改曰殿內侍御史置十二人至煬帝省唐置六員內供奉二員初掌駕出於鹵簿內糾察非違餘同侍御史唯不判事咸亨以前遷轉及職事與侍御史相亞自開元初以來權歸侍御史而遷轉猶同兼知庫藏出納及宮門內事凡兩京城內則分知左右巡各察知所巡之內有

不法事諸州諸衛兵禁隸焉彈舉違失號為副端閣門之外百僚班序有離立失列言囂而不肅者則糾罰之其正冬大會則戴元豸乘馬加飾大夫中丞加金勒珂珮具服上殿供奉左右或闕則吏部以他官攝之其郊祀巡幸大備鹵簿出入由旌門者監其隊伍初武太后時有殿中裏行及員外殿中御史官或有起家為之而即真者神龍以來無監察則有裏行

監察侍御史

秦以御史監理諸郡謂之監察御史漢罷其名至晉考武太元中始置檢校御史以吳

混之為之掌行馬外事宋志云古司隸知行馬外事晉過江罷司隸官故置檢校御史專掌行馬外事宋齊以來無開後魏太和末亦授此官宿直外臺不得入宿內省北齊檢校御史十二人後周司憲旅下士八人蓋亦其職隋開皇二年改檢校御史為監察御史凡十二人煬帝增置十六員掌出使檢校唐監察御史十員裏行

五員掌內外糾察并監祭祀及監諸軍出使等罪人當
咎於朝者亦監之分為左右巡糾察違失以承天朱雀
街為界每月一代將晦即巡刑部大理東西徒坊金吾
及縣獄若蒐狩則監圍察斷絕失禽者量宜劾奏開元
初革以殿中掌左右巡監察或權掌之非本任也職務
繁雜百司畏懼其選拜多自京畿縣尉又有監察御史
裏行者太宗置自馬周始焉始馬周以布衣有詔令於
監察御史裏行遂以為名後高宗時王立本自忻州定
襄縣尉為之凡裏行皆受俸於本官武太后時復有員
外監察試監察或有起家為之而即真者又有臺使八
人俸亦於本官請餘並同監察時人呼為六相吏部式
其試監察神龍以來無復員外及試但有裏行凡諸內
供奉及裏行其員數各居正官
之半唯俸祿有差職事與正同

臣謹按隋末亦遣御史監軍唐垂拱三年十一月鳳

閣侍郎韋方質奏言舊制有御史監軍武太后曰將
出師君授之以斧鉞閫外之事皆使裁之比來御史
監軍乃有控制軍中大小之事皆須承稟非所以委
專征也又按萬歲通天元年五月監察御史紀履忠
劾奏御史中丞來俊臣五罪長安四年三月監察御
史蕭至忠彈宰相蘇味道贓污貶官御史大夫李承
嘉常召諸御史責之曰近日彈事不咨大夫禮乎衆
不敢對至忠進曰故事臺中無長官御史人君耳目

比肩事主得各自彈事不相關白若先白大夫而許
彈事如彈大夫不知白誰也承嘉默然憚其剛正又
按景龍三年監察御史崔琬彈奏宰相宗楚客紀處
訥等驕恣跋扈請收劾之舊制大臣有被御史彈者
皆俯僂趨出待罪朝堂今楚客等瞋目作色稱以忠
鯁被誣中宗令琬與楚客約為兄弟時人竊號為和
事天子

主簿

漢有御史主簿張忠為御史大夫以孫寶為主簿是也魏晉以來無聞至隋大業三年御史臺始置

主簿二人兼置錄事二人唐置主簿一員掌印及受事發辰勾檢稽失兼知官及黃卷其俸祿與殿中御史同唐武德末杜淹為大夫以吏部主事林懷信為之貞觀中自張弘濟為此官之後遂為美職

諸卿第七上

總論諸卿

少府附

夏制九卿

記曰夏后氏官百天子有三公九卿也亦有六卿商周皆然

商亦九卿

伊尹

曰三公調陰陽九卿通寒暑

周之九卿即少師少傅少保冢宰司徒

宗伯司馬司寇司空漢以太常光祿勳衛尉太僕廷尉

大鴻臚宗正司農少府謂之九寺大卿後漢九卿分屬

三司

太常光祿勳衛尉三卿並太尉所部太僕廷尉大鴻臚三卿並司徒所部宗正大司農少府三卿並

司空所部

多進為三公各有署曹掾史隨事為員九卿有疾

使者臨問加賜錢布

尚書令陳忠常欲褒崇大臣故奏建此禮魏九卿名數

與漢皆同晉以太常等九卿

即漢九卿

兼將作大匠太后三

卿大長秋皆為列卿各置丞功曹主簿五官等員太康

四年增九卿禮秩

元帝以賀循為太常而散騎常侍如故循以九卿舊不加官唯拜太常而

已宋齊及梁初皆因舊

宋卿尹皆銀章青綬進賢兩梁冠佩水蒼玉衛尉則武冠晉服

制以九卿皆文冠乃進賢兩梁冠非舊也

梁武帝天監七年以太常卿加置

宗正卿以大司農為司農卿三卿是為春卿加置太府卿以少府為少府卿加置太僕卿三卿是為夏卿以衛尉為衛尉卿廷尉為廷尉卿將作大匠為大匠卿三卿是為秋卿以光祿勳為光祿卿太鴻臚為鴻臚卿都水使者為大舟卿三卿是為冬卿凡十二卿皆置丞及功

曹主簿後魏又以太常光祿勳衛尉謂之三卿太僕廷

尉大鴻臚宗正大司農少府為六卿各有少卿

太和十五年

置少卿官掌同大卿

北齊以太常光祿衛尉宗正太僕大理鴻臚

司農太府為九寺

晉荀勗曰九寺可併於尚書後魏亦有三府九寺則九卿稱寺久矣然通

其名不連官號其官寺連稱自北齊始也

置卿少卿丞各一人各有功曹五

官主簿錄事等員隋九寺與北齊同

自晉三代以上分置六卿北周百事

至秦及漢雖事不師古猶制度未繁後漢有三公九卿而尚書之任又益重矣魏晉以降職制日增後周依周禮置六官而年代短促人情相習已久不能革其視聽故隋氏復廢六官多依北齊之制官職重設庶務煩滯加六尚書似周之六卿又更別立寺監則戶部與太府分地官司徒職事禮部與太常分春官宗伯職事刑部與大理分秋官司寇職事工部與將作分冬官司空煬職事自餘百司之任多類於斯欲求理要實在簡省

帝降光祿以下八寺卿階品於太常而少卿各置二人

始開皇中諸司寺唯典掌受納至煬帝署令
為判首取二卿同判丞唯知檢局令闕丞判
唐九寺與

北齊同卿各一人少卿各二人丞以下有差龍朔二年

改九寺之名凡卿皆加正若太常卿為奉常後各復舊

太常卿丞主簿博士太祝奉禮郎協

太卜廩犧汾祠太公廟

太常卿秦曰奉常漢初曰太常顏師古曰太常者王之

奉持之故曰奉常後改為太尊大之義也惠帝更名奉
常景帝六年更名太常後漢秩與漢同每祭祀前奏其

禮儀及行事贊天子每選試博士奏其能否大射養老
大喪皆奏其儀每月前晦察行陵廟助祭則平冕七旒

漢舊制以列侯忠孝敬慎者居之後漢不必侯也舊制陵縣悉屬歲舉孝廉後漢則否建安中為奉常魏黃初元年改為太常魏晉改銀章青綬追賢兩梁冠絳朝服佩水蒼玉宗齊皆有之舊用列曹尚書多遷選曹尚書領護梁視金紫光祿大夫陳因之後魏為上卿兼置小卿官周禮有小宗伯中大夫二人即其任也北齊曰太常寺置卿及少卿丞各一人掌陵廟庠祀禮樂儀制天文術數衣冠之屬後周建六官置大宗伯卿一人是為春官隋曰太常與北齊同煬帝加置少卿二人唐因之龍朔二年改太常為奉常咸亨元年復舊光宅元年改太常為司禮神龍初復舊卿一人掌禮儀祭祀總判寺事少卿二人通判領丞一人主簿二人博士四人太祝三人奉禮郎協律郎各二人齋郎五百五十二人其餘小吏各有差郊社太公廟太樂鼓吹太醫太卜廩犧等署各有令其郊社及太公廟兩京皆有之

丞

秦置一人漢多以博士議郎為之後漢凡諸丞皆掌行禮及祭祀小事總署曹事舉廟中非法皆銅印墨綬進賢兩梁冠歷代皆有梁舊用員外郎遷尚書郎天監七年改視尚書郎陳因之後魏北齊亦有之隋有二

人唐因之分判寺事餘寺丞職並同

主簿

漢有之漢鹵簿之制太常駕四馬主簿前車八乘魏晉亦有焉梁天監七年十二卿各置主簿一人

惟太常主簿視二衛主簿陳因之北齊有功曹五官主簿二人唐二人掌付事勾稽省署抄日監印給紙筆等事餘寺主等並同職

博士

魏官也魏文帝初置晉因之掌引導乘輿王公以下應追論者則博士議定之端委佩玉朝之大典必於詢度歷代皆有隋有四人唐因之甚為清選資位與補闕同掌撰五禮儀注導引乘輿贊相祭祀定誅論

及守祧廟開閉塋室及祥瑞之事

太祝

商官與太宰等官為六太周官太祝下大夫二人上士四人掌六祝之辭以祈福祥秦漢有太祝令

丞後漢太祝令一人六百石丞二人晉宗齊梁陳後魏北齊皆因之後周依周官至隋置太祝署太祝令丞煬帝罷署太祝八人唐初有七人後增為九人開元二十三年減置三人掌讀祝文出納神主

奉禮郎

漢大鴻臚有治禮郎四十七人晉博士有治禮郎四人屬大行令後魏有治禮郎四人北齊有

奉禮郎三十人屬鴻臚寺之司儀署後周有治禮中士下士各一人隋有奉禮郎一十六人屬太常寺煬帝減置六人唐武德初有治禮郎四人掌設版位執儀行事至永徽二年以犯廟諱改為奉禮郎開元二十三年減員二

協律郎

漢曰協律都尉李延年為之武帝以延年善新聲故為此官後漢亦有之魏以杜夔為之魏武

平荆州得夔以知音識舊樂故使為此官晉改為協律校尉後魏有協律郎又有協律中郎北齊及隋協律郎

皆二人唐因之掌舉麾節樂調和律呂監試樂人典課

兩京郊社令

周官有典祀掌以時祭祀秦漢有太祝令丞屬奉常景帝改為祠祀武帝更曰廟祀

後漢祠祀屬少府魏晉有太祝令丞宗曰明堂令丞掌祀五帝之事齊有太祝及明堂二令梁有明堂太社二令並屬太常北齊太廟令兼領郊祀崇虛二丞郊祀掌五郊崇虛掌五嶽四瀆後周有司郊上士中士司社中士下士隋太常寺置郊社令丞各一人唐因之掌郊社明堂祠祀祈禱及茅土衣冠等事

太樂令

周官有大司樂掌成均之法亦謂之樂尹以樂舞教國子左傳楚鍾建為樂尹即大司樂也秦

漢奉常屬官有太樂令及丞又少府屬官并有樂府令丞後漢永平三年改太樂為大予樂令掌伎樂人凡國祭饗掌諸奏樂魏復曰太樂令丞晉亦有之齊銅印墨綬進賢一梁冠絳朝服梁陳因之後魏置太樂博士北齊曰太樂令丞後周有大司樂掌成均之法後改為樂部有上士中士隋有太樂令丞各一人唐因之掌習音

樂樂人

簿籍

臣謹按盧植禮注云太樂令如古大胥漢太樂律卑者之子不得舞宗廟之酎除吏二千石到六百石及關內侯到五大夫子取適子高五尺以上年十二到三十顏色和順身體循理者以為舞人

鼓吹令

周禮有鼓人掌六鼓四金之音後漢有承華令典黃門鼓吹屬少府晉置鼓吹令丞屬太常元

帝省太樂并鼓吹哀帝復省鼓吹而存太樂梁有鼓吹令丞又有清商署北齊鼓吹令丞及清商部並屬太常隋有鼓吹清商二令丞至煬帝罷清商署唐鼓吹署令丞各一人所掌頗與太樂同

太醫令

周官有醫師上士下士掌醫之政令秦兩漢有太醫令丞主醫藥屬少府後漢又有藥丞有醫

工長魏因之晉銅印墨綬進賢一梁冠絳朝服而屬宗正過江省宗正而屬門下省宋齊隸侍中梁陳因之後魏有太醫博士助教北齊又曰太醫令丞後周太醫下大夫隋有太醫署令二人唐因之主醫藥凡領醫針灸按摩咒禁各有博士

臣謹按唐武德中關中多骨蒸病得之必死遞相傳

染許允宗每療皆愈或謂曰何不著書以貽將來答
曰醫乃意也在人思慮有脉候幽微苦其難別意之
所解口莫能宣求之名手唯是別脉然後識病病之
於藥有正相當者唯須單用一味直攻彼病立即可
愈今人不能別脉莫識病源以情意度多用藥味譬
之於獵不知兔處多發人馬空廣遮圍或冀一兔偶
然逢也如此療病不亦疎乎既不可言故無著述

太卜令

商官太卜為六太周官太卜掌三兆之法秦漢有太卜令後漢并于太史自後無聞後魏有卜

博士北齊有太卜局丞後周有太卜大夫小卜上士龜占中士隋曰太卜令丞一人唐因之

廩犧令

周禮有牧人掌牧六牲以供祭祀秦漢內史左馮翊廩犧令丞並掌犧牲鷹鷂後屬太司農後

漢河南尹屬官有廩犧丞魏晉宋齊梁陳後魏北齊隋皆有之唐令丞各一人掌犧牲棗棗之事

汾祠及齊太公廟

並有令丞各一人唐開元中置掌享祀灑掃之事

光祿卿

丞

主簿
掌醢署

太官署

珍羞署

良醢署

光祿卿

秦有郎中令以主郎內諸官故曰郎中令掌宮殿掖門戶漢因之至武帝太初元年更名光祿

勳胡廣曰勳猶闔也主宮殿門故也王莽改光祿勳為司中後漢曰光祿勳所掌同典三署郎更直執戟宿衛

門戶考其德行而進退之郊祀之事掌三獻光祿勳居禁中有獄在殿門外謂之光祿外部兩漢自光祿太中

中散諫議等大夫及謁者僕射羽林郎郎中侍郎五官
虎賁左右等中郎將奉車駙馬二都尉車戶騎三將並
屬光祿勳建安末復改光祿勳為郎中令魏黃初元年
復為光祿勳東晉哀帝興寧二年省光祿勳併司徒孝
武寧康元年復置自魏晉以後無復三署郎而光祿不
復居禁中唯外官朝會則以名到焉二臺奏劾則符光
祿加禁止亦如之謂禁入殿省也其宮殿門戶至宗文
猶屬焉梁除勳字謂之光祿卿卿舊視列曹尚書天監
中視中庶子職與漢同後魏又置少卿北齊曰光祿寺
置卿少卿兼掌諸膳食帳幕隋文帝開皇三年廢光祿
寺入司農十二年復置初有卿及少卿各一人煬帝加
置二少卿唐龍朔二年改光祿寺為司宰寺咸亨初復
舊光宅元年為司膳神龍初復舊卿一人掌終獻行事
少卿二人領太官珍羞良醢掌醢等四署署各有令丞

臣謹按漢東京三署郎有德應四科者歲舉茂才二

人四行二人及三署郎罷省光祿勳猶依舊舉四行
衣冠子弟以充之又按張湛拜光祿勳光武臨朝或
有惰容湛輒陳諫其失嘗乘白馬上後見湛輒曰白
馬生且復諫矣又杜林為光祿勳內供奉宿衛外總
三署周密謹慎選舉稱平郎有好學者輒見誘進朝
夕滿堂士以此高而慕附又荀爽為光祿勳視事三
日冊拜司空

丞

漢二人多以博士議郎為之後漢一人魏晉因之銅
印黃綬梁陳視員外郎後魏北齊並有之隋有三人

唐置
二人

主簿

漢置晉宋齊梁陳並有之北齊曰功曹五官主簿隋二人唐因之

太官令丞

於周官為膳夫庖人外饗中士下士蓋其任也秦為太官令丞丞屬少府兩漢因之桓帝延

熹元年使太官令得補二千石魏亦屬少府晉屬光祿勳宋齊屬侍中梁門下省領太官陳因之後魏分太官為尚食中尚食知御膳隸門下省而太官掌百官之饌屬光祿卿北齊因之後周有典庖中士內膳中士隋如北齊唐因之各一人

珍羞令丞

於周官有遵人掌四遵之實後漢少府屬官有甘丞主膳具晉太官令有錫官果官自後

無聞北齊隋藏令屬光祿寺後周有餽藏中士下士隋如北齊唐因之長安中改為珍羞神龍初復舊開元初

又改之有令

丞各一人

良醖令丞

於周官有酒正中士下士掌酒之政令後漢湯官丞主酒及餅餌屬少府晉有酒丞一人

齊食官局有酒吏梁曰酒庫丞北齊有清潭令丞上酒後周如古周之制隋曰良醖令丞各一人唐因之

掌醖令丞

於周官有醖人掌四豆之實自後無聞至齊諸公府有醖食典庫二人後周有掌醖中士

下上隋曰掌醖令丞各一人唐因之

衛尉卿

丞

主簿 公車司馬

武庫署 左右部侯

武器署

守宮署

衛尉卿

秦官有衛尉掌門衛屯兵漢因之漢舊儀曰衛尉寺在宮內胡廣云主宮闕之內衛士於周垣

下為區廡者若今之伏宿屋景帝初更名中大夫令後元年復為衛尉又有長樂建章甘泉衛尉皆掌其

職畧同而不常置後漢有衛尉卿一人職與漢同晉銀章青綬五時朝服武冠佩水蒼玉掌諸冶江左省衛尉宋孝武復置南齊掌宮城管鑰以警夜梁衛尉卿位視侍中職與漢同卿每月丞每旬行宮徽糾察不法陳國之後魏亦有之北齊為衛尉寺有卿及少卿各一人隋文帝開皇三年廢衛尉寺入太常及尚書省十三年復置掌軍器儀仗帳幕之事而以監門衛掌宮門屯兵唐因之龍朔二年改衛尉為司衛咸亨初復舊光宅二年又改為司衛神龍初復舊卿一人少卿一人領武庫武器守宮三署署各有令

丞

秦漢多以博士議郎為之後漢一人魏晉並同宋孝武增置一人梁亦有之後魏北齊並有隋因之唐置

二人

主簿

一人漢衛尉駕四馬主簿前車以乘晉有衛尉主簿二人宋齊梁陳因之北齊隋亦有二人唐因之

武庫令丞

於周官司甲司弓矢等下大夫司戈盾等中士下士蓋其任也兩漢曰武庫令屬執金吾

後漢又有考工令丞屬太僕主造兵器成則付武庫令魏晉因之晉後屬衛尉宋齊武庫令丞屬尚書庫部梁陳屬衛尉卿北齊亦有後周如周官隋如北齊唐因之各一人掌藏天下之兵仗器械

武器令丞

隋行臺尚書省有武器監令唐永徽中始置各一人掌祭祀及朝會巡幸及公卿拜命與

具婚葬鹵簿之事

守宮令

漢有守宮令丞掌御紙筆墨及諸財用并封泥之事屬少府晉及北齊屬光祿勳北齊守宮令

掌張設之事梁陳屬大匠卿隋屬衛尉寺唐置令一人掌諸鋪設帳幕氍毹褥牀薦几席之事

臣謹按唐廣德二年二月敕文京兆府諸司諸使幕

士丁匠總八萬四千五百人數內宜月支二千九百四十四人仍令河東關內諸州府據戶口分配不得偏出京兆府餘八萬一千一百十四人並停

公車司馬令

秦屬衛尉漢因之掌殿司馬門夜徼宮中天下上章四方貢獻及闕下凡所徵詣公

車者皆總領之後漢有丞一人丞選曉諱掌知非法尉主闕門兵禁戒非常晉江左以來直曰公車令宋以後屬侍中隋有公車

署置令丞唐無

臣謹按漢張釋之為公車令時景帝為太子與梁王共車入朝不下司馬門釋之遂劾其不敬文帝免冠

謝太后太后詔赦之然後得入

左右都候

後漢各一人主劍戟士徼循宮及天子有所收考屬衛尉後無

宗正卿

丞

主簿

崇元署

諸陵署

太廟署

宗正卿

周官小宗伯掌三族之別以辨其親疎秦置宗正掌親屬漢因之更以叙九族平帝元始四年

更名宗伯五年又於郡國置宗師以糾皇室親族世氏致教訓焉選有德義者為之有寃失職者宗師得因郵亭上書宗伯請以聞常以正月賜宗伯帛十疋王莽併宗伯於秩宗後漢曰宗正卿一人掌序錄王國嫡庶之次及諸皇室親屬遠近郡國歲因計上皇族名籍若有犯法當髡以上先上諸宗正宗正以聞乃報決胡廣曰宗正又歲一理諸王世譜差敘秩第兩漢皆以皇族為之不以他族故楚元王子郢客劉辟疆劉德等迭為此

官又後漢劉軫梁孝王之裔皆宗正卒官遂世掌焉魏亦然晉兼以庶姓故山公啓事曰羊祜忠篤寬厚然不長理劇宗正卿缺不甯可轉作否咸寧三年又置宗師以扶風王亮為之使皇室戚屬奉率忠義所有施行必令詰之東晉省屬太常宗齊不置宗正梁天監七年復置之視列曹尚書主皇室外戚之屬以皇族為之陳因之後魏有宗正卿少卿北齊亦然後周有宗師中大夫屬大冢宰隋如北齊之制唐龍朔二年改為司宗咸亨元年復舊光宅元年改為司屬神龍初復舊卿一人少卿二人掌皇族外戚簿籍及邑司名帳領崇元署及諸陵太廟開元二十五年制宗正等寺官屬皆以皇族為之

丞 漢亦用皇族後漢一人歷代皆有之至隋有二人唐因之

主簿

梁置陳北齊隋皆有唐因之置一人

宗元署

令一人後魏天興二年置仙人博士掌煮煉百藥北齊置昭元等寺掌諸佛教有大統一人都

維那三人兼置功曹主簿等員以管諸州縣沙門之法後周置司寂上士中士掌法門之政又置司元中士下士掌道門之政隋初置崇元署令丞至煬帝改郡縣佛寺為道場置道場監一人改觀為元壇監一人唐復置崇元署初又每寺觀各置監一人屬鴻臚貞觀中省開元中以崇元署隸宗正寺掌觀及道士女冠簿籍齋醮之事

諸陵

漢有諸陵園寢官屬太常元帝永光元年分諸陵邑屬三輔故史記曰司馬相如為孝文園令後漢

每陵園令各一人掌按行埽除丞及校長各一人校長主兵戎盜賊晉宗皆曰令而梁初則為監後亦改為令梁以下皆有之唐每陵令丞各一人初屬太常開元二十五年並屬宗正寺

臣謹按漢長陵令秩二千石為高祖陵也故尊其秩

太廟令

漢有諸廟寢園令長丞宋志曰漢西京曰長東京曰令晉有太廟令宋太廟令領齋郎二十四

人齊梁以下皆有舊屬太常唐開元二十五年二月勅宗廟所奉尊敬之極因以名署情所未安宜令禮官詳擇所宜奏聞至五月太常少卿韋縚奏曰謹詳經典兼尋令式宗廟享薦皆主奉常別置署司事非稽古其太廟署請廢省本司專奉其事許之二十五年勅宗正設官實司屬籍而陵寢崇敬宗廟惟嚴割隸太常殊乖本系奉先之旨深所未安自今已後諸廟署並隸宗正寺也

臣謹按後魏有太常齋郎漢書曰田千秋為高廟寢

郎

太僕卿

丞

主簿
車府署

乘黃署
諸牧署

典廐署

典牧署

太僕卿

周官有太僕下大夫掌正王之服位出入王之

伯同為之掌與馬泰因之在周官則校人掌馬中車掌

車及置太僕兼其事也漢初夏侯嬰常為之高祖為沛

公時嬰為太僕至文帝時猶居其職頃五監六廐皆有

令王莽改太僕為太御後漢太僕與漢同亦掌車馬天

子每出奏駕上鹵簿用大駕則執馭是時約省惟置一

廐魏因之晉初有之銀章青綬五時朝服進賢兩梁冠

佩水蒼玉領典牧乘黃驂騮龍馬等廐令自元帝過江

之後或置或省太僕既省故驂騮廐為門下之職晉宗

以來不常置郊祀則權置太僕執轡事畢則省齊亦然

梁太僕卿位視黃門侍郎統南牧左右牧龍廐內外廐

陳因之後魏兼置少卿北齊太僕寺統驂騮左右龍廐

左右馳牛羊司乘黃車府典牧牛羊等署卿及少卿各

一人後周如古周隋如北齊煬帝加署少卿一人唐龍朔二年改太僕為司馭咸亨初復舊光宅元年改為司僕神龍初復舊卿一人掌馭五輅少卿本一員景雲元年加一員領乘黃典廐典牧車府等四署署各有令天下監牧置八使五十六監

臣謹按漢武帝承文景蓄積海內繁富廐馬有四十萬匹時匈奴數寇邊遣衛青霍去病發十萬騎并負私從馬凡十四萬匹窮追大破匈奴漢馬死者十餘萬匹匈奴雖病遠去而漢亦馬少無以復往又按後魏太武帝平統萬赫連昌定隴右羌沮渠等河西水

草善乃以為牧地六畜滋息馬三百餘萬匹駢駝將半之牛則無數孝文帝遷洛陽之後復以河陽為牧場常置戎馬十萬匹以擬京師軍警之備每歲自河西徙牧於并州漸南欲其習水土無死傷也而河西之牧滋甚又按唐貞觀初僅有牧牝三千匹從赤岸澤徙之隴右十五年始令太僕卿張萬歲幹羣牧至麟德四十年間馬至七十萬六千匹置八使領六監初置四十八監跨蘭渭秦原四州之地猶為隘陝更

增八監布於河曲其時天下以一縑易一馬儀鳳三年少卿李思文檢校隴右諸牧監方稱使爾後或戎狄外侵牧圉乖散洎乎垂拱潛耗太半開元初牧馬二十四萬匹十三年加至四十五萬匹初有牛三萬五千頭是年亦五萬頭初有羊十一萬二千口是年亦二十萬六口盛於垂拱

丞秦漢有兩人後漢一人魏晉因之東晉或省或置梁有丞陳因之後魏北齊丞一人隋三人唐因之掌判寺事凡補獸醫業優長者進以為博士

主簿

梁置一人北齊亦一人隋二人唐因之

乘黃令

後漢太僕有未央廐令魏改為乘黃廐乘黃古之神馬因以為名晉以下因之宋屬太常銅印

墨綬進賢一梁冠絳朝服歷代皆有悉掌乘輿唐令丞各一人掌乘輿車輅

典廐令

周官有牧人圉師趣馬掌十二閑之馬漢西京太僕有龍馬長東京有未央廐令掌乘輿及宮

中之馬魏為驛廐廐晉有驛廐龍馬二廐自宗以後分驛廐廐屬門下梁太僕有龍廐及內外等廐陳因之北齊有驛廐左右龍等署後周有左右廐各上士一人隋如北齊唐改龍廐為典廐署令二人丞四人掌在廐繫飼馬牛及雜畜事

典牧監

周官牧師下士四人掌牧馬而頒之秦漢邊郡置六牧師令魏晉以下因之隋有典牧牛羊等

監各置令丞唐有乘黃等四監令丞各四人掌外牧及造酥酪脯腊之事

車府令

秦以趙高為之歷代皆有漢魏屬太僕宋齊以後屬尚書駕部北齊以下又屬太僕唐置令丞

各一人掌王公以下車輅

諸牧監

漢太僕有牧師諸苑三十六所在北邊西邊以郎為苑監官魏置牧官都尉晉因之自後無聞

北齊有左右牝牡駝牛羊等署令後周曰典牝典牡上士中士又有典駝典羊典牛中士隋曰典牧署牛羊署令丞唐初因之分曰牧

監置監副監丞主簿

大理卿

正丞主簿獄丞司直評事

大理卿

辨攝帝位臯繇作士正五刑孔安國曰士理也成周則秋官之任也韓詩外傳曰晉文公使李

離為大理過聽殺人自拘於廷遂伏劍死君子曰忠與仁故後世為之李官泰為廷尉漢因之掌刑辟景帝以中元六年更名大理武帝建元四年復為廷尉哀帝元壽二年復為大理後漢廷尉卿凡郡國讞疑皆處當以報多以世家為之而郭氏尤盛郭躬為廷尉家世掌法務在寬平躬乃條諸重文可從輕者四十一事奏之事皆施行著于令建安中復為大理黃初元年改為廷尉鍾毓為廷尉聽君父亡殺臣子得為理謗及士為侯其妻不復改嫁毓所制也歷代皆為廷尉梁國初建曰大理天監元年復改為廷尉舊用黃門後視祕書監有正監平三人元會廷尉三官與建康三官皆法冠元衣朝服以監東西中華門手執方木長三尺一寸謂之執方天監元年詔建康獄依廷尉三官置正監平革選士流視給事中以尚書郎出為之冠服與廷尉三官同陳因之後魏亦曰廷尉北齊曰大理寺置卿少卿各一人後周有刑部中大夫掌五刑之法附萬民之罪屬大司寇

隋初與北齊同至煬帝加置少卿二人唐龍朔二年改大理為詳刑咸亨元年復舊光宅元年改為司刑神龍元年復舊卿一人掌鞠獄定刑名決諸疑讞少卿二人正二人丞六人主簿二人錄事二人獄丞四人司直六人評事十二人

臣謹按隋文帝時議置六卿將除大理盧思道奏曰省有駕部寺留太僕省有刑部寺除大理斯則重畜產而賤刑名也

正 泰置廷尉正漢因之後漢一人魏謂正監平為廷尉三官晉廷尉三官通視南臺持書舊尚書郎下遷梁制服獬豸冠介幘皂衣銅印墨綬歷代皆有隋開皇三年增為四員煬帝增為六員唐二人通判寺事龍朔二

年改為詳刑大
夫歲亨初復舊

臣謹按魏司馬芝為大理正有盜官練置都廁上者
吏疑女工收以付獄芝曰贓物先得而後訊其辭若
不勝掠或至誣服誣服之情不可以折獄且簡而易
從大人之化也不失有罪庸世之理耳魏武從之

丞

自晉武咸寧中曹志上表請廷尉置丞宗齊梁並因
之後魏亦然北齊曰大理丞一人隋初二人至煬帝

改為勾檢官增為十六人分
判獄事唐又曰丞置六人

臣謹按唐杜正倫徐有功並為司刑丞與來俊臣侯

思止同制獄人稱之曰遇徐杜必生遇來侯必死

主簿

自魏晉宋齊梁陳皆有唐置二人

獄丞

晉有左右丞各一人宋齊因之梁陳置二人後魏北齊亦然隋有獄掾八人唐曰丞有四人

司直

後魏永安二年置司直十人御史中尉高穆所請也視五品隸廷尉位在正監上不署曹事唯覆理

御史檢勅事北齊隋因之隋初置十人煬帝置十六人唐置六人掌承制出使推覆若寺有疑獄則參議之

評事

漢宣帝地節三年初於廷尉置左右平員四人宣帝詔曰今遣廷吏與郡勸獄任輕祿薄其為置正

平員四人其務平之涿郡太守鄭昌上言曰聖王立法明刑者非以為治救哀亂之起也今明主躬垂明聽不置廷平獄將自正若開後嗣不若刪定律令律令壹定愚民知所避就姦吏無所弄法今不正其本而置廷平

以理其末世衰聽怠則廷平將攝權而為亂首也後漢
光武省右平唯有左平一人掌平決詔獄冠法冠魏晉
以來無左右而直謂之廷尉評後魏北齊及隋廷尉評
各一人開皇三年罷至煬帝乃置評事四十八人掌與
司直同其後官廢唐貞觀二十二年褚遂良議重法官
復奏置評事十員掌出使推覆後加二人為十二員
監 秦置廷尉監漢有左右監酈吉為廷尉監光武省右
監唯有左監一人魏晉以來無左右而直云廷尉監
隋開皇三年
罷大理監

諸卿第七中

鴻臚卿

丞

主簿

典客署

司儀署

鴻臚卿

周官大行人掌大賓客之禮秦官有典客掌諸
侯及歸義蠻夷史記曰韓信亡楚歸漢為連敖

徐廣注云連敖典客漢改為鴻臚應劭曰郊廟行禮贊導九賓鴻臚聲也臚傳也所以傳聲贊導故曰鴻臚景帝二年令諸侯王薨列侯初封及之國大鴻臚奏諡誅策列侯薨及諸侯太傅初除之官大行奏諡誅策周禮有大行人小行人主諭官故以名之建中六年改大鴻臚為大行令武帝太初元年更名太鴻臚又更名其屬官行人為大行令其屬官又有郡邸長丞主諸郡之邸在京師者至後漢省但令郎治郡邸秦時又有典屬國官掌蠻夷降者漢因之成帝河平元年年省之併大鴻臚後漢大鴻臚卿一人諸王入朝當郊迎典其禮儀及郡國上計餘職與漢同凡皇子拜王贊授印綬及拜諸侯諸侯嗣子及四方夷狄封者臺下鴻臚召拜之王薨則使使弔之及拜王嗣魏及晉初皆有之自東晉至于宋齊有事則權置兼官畢則省梁除大字但曰鴻臚卿位視尚書左丞常導護贊拜後魏曰大鴻臚北齊曰鴻臚寺有卿少卿各一人亦掌蕃客朝及吉凶弔祭後周司寇

有蕃部中大夫掌諸侯朝覲之敘有賓部中大夫掌大賓客之儀隋文帝開皇三年廢鴻臚寺入太常十二年復置領典客司儀崇元三署至煬帝置少卿二人唐龍朔二年改鴻臚為同文咸亨初復舊光宅初改為司賓神龍初復舊卿一人掌賓客凶儀之事及冊諸蕃少卿本一員景雲二年加一員領典客司儀二署署各有令丞泰曰典客丞漢為鴻臚丞魏晉亦然王敦為鴻臚卿謂阮修曰卿常無食鴻臚差有祿能作否脩遂為丞梁陳後魏北齊皆有之後周曰賓部上士隋如北齊唐因之有二人

主簿

人

典客

周官有掌客上士中士秦官有典客漢改為鴻臚鴻臚屬官有大行令丞本名行人武帝改為大行

令丞魏改大行令為客館令晉改為典客宋分置南北客館令齊梁陳皆有客館令丞後魏初曰典客監太和

中置主客令北齊有典客署後周置東南北四掌客
上士下士隋初又曰典客署置令丞煬帝改為典藩署
唐為典客署置令丞各一人掌二王
後蕃客辭見宴接送迎及在國夾人

司儀

周官有司儀上士中士漢大鴻臚有治禮郎自後
無聞後魏置司儀官北齊置令丞後周置上士等
員隋如北齊唐因之置令丞各
一人掌凶事儀式及喪葬之事

司農卿

丞

主簿

上林署

太倉署

鈞盾署

溫泉湯監

諸屯監

驛粟都尉

均輸令

司農卿

少皞氏以九鵬為九農正舜攝帝位命棄為后
稷周則為太府下大夫秦為治粟內史掌穀貨

漢景帝更名大農令武帝太初初更名大司農掌九穀
六畜之供膳羞者凡郡國諸倉農監都水六十五官皆

屬焉王莽改曰羲和後更為納言後漢大司農掌諸錢穀金帛郡國四時上月旦見錢穀簿具通未畢各具別之邊郡諸官請調度者皆為給報損多益寡取相給足初郡國鹽官鐵官並屬司農中興皆屬郡縣建安中為大農魏黃初元年又改為司農晉初因之渡江哀帝末省司農并都水孝武復置宗齊皆有之梁司農卿位視散騎常侍主農功倉廩陳固之後魏曰大司農北齊曰司農寺有卿少卿各一人掌倉市薪米園池果實後周有司農上士一人掌三農九穀稼穡之政令屬大司徒隋初與北齊同煬帝置少卿二人潁川太守趙元淑入朝會司農不時納諸郡租穀元淑奏之煬帝曰如卿意者幾時當了元淑曰不過十日即日拜元淑為司農卿納天下租如言而畢唐龍朔二年改司農為司稼咸亨初復舊卿一人少卿二人掌東耕供進耒耜及邦國倉儲之事領上林太倉鉤盾導官四署署各有令丞

丞

秦曰治粟內史丞有二人漢為大司農丞二人或謂之中丞耿壽昌為大司農中丞奏訖設常平倉給北

邊省轉漕又桑弘羊為大司農中丞管諸計會事平帝又置大司農部丞十三人人部一州勸農桑後漢司農丞一人部丞一人部丞主帑藏魏晉因之銅印黃綬宋齊以來墨綬追賢一梁冠介幘皂衣後魏北齊皆有司農丞隋置五人唐六人

主簿

晉太康中置自後無聞梁陳又有北齊亦然唐因之

上林署

漢水衡都尉之職後漢曰上林苑令丞主苑中禽獸魏晉因之江左無聞宋初復置隸尚書殿

中曹齊因之梁陳屬司農北齊及隋亦然唐因之有令二人丞四人掌諸苑園池沼種植蔬果藏冰之事

太倉署

周官有廩人下大夫上士秦官有太倉令丞漢因之屬大司農後漢令主受郡國轉漕穀其榮

陽教倉官中興皆屬河南尹歷代並有之北齊亦然後周曰司倉下大夫隋有令二人丞六人唐有令三人丞

二人掌倉

廩出納

鈎盾署

漢鈎盾令宦者典諸近園苑游觀之事屬少府後漢亦有之晉大鴻臚屬官有鈎盾令自後無

聞北齊如晉制隋如北齊令三人丞十二人唐因之令二人丞四人掌薪炭鵝鴨藪澤之物天寶五載九月侍御史楊釗充木炭使自後相循或以京尹或以戶部侍郎為之

導官署

導擇也周有春人秦漢有令丞屬少府漢東京令丞主春御米及作乾糒屬大司農歷代皆有

唐置令二人丞四人掌

春碾米麵油燭之事

苑總監

自隋而置東西南北各有監及副監唐因之兼有丞主簿等官以掌苑內宮館園池之事

諸倉監

後漢河南尹屬官有滎陽敖倉長丞梁司農有左中右三部倉丞陳因之隋諸倉各有監官唐

因之掌倉
廩出納

司竹監

漢有司竹長丞魏晉河南淇園竹各置官守之後魏有司竹都尉隋曰司竹監唐因之有監副

監丞掌植養
園竹之事

溫泉湯監令

唐置掌湯院宇修整器物以備供奉

諸屯監

隋置諸屯監及副監畿內者隸司農自外者隸諸州唐因之置監及丞掌營種屯田功課畜產

等事

驂粟都尉

驂音搜索也漢武帝軍官不常置又有治粟都尉以桑弘羊為之

均輸令

漢有之
後漢省

幹官長

漢有之如淳曰幹音管主均輸之事所謂幹鹽鐵而推酒酤也晉灼曰此竹箭之官長均輸自

有令顏師古曰如說近是初屬少府中屬主爵後屬大司農

籍田令

掌耕國廟社稷之田於周為甸師漢文帝初立籍田置令漢東京及魏並不置晉武泰始十年

復置江左省宋文帝元嘉中又置

典農中郎將

典農都尉

典農校尉

並曹公置晉武帝泰始二年罷農官為郡縣後復有之隋煬帝罷典農官

勸農謁者

梁武天監九年置視殿中御史自驤乘以下盡屬司農今並無

太府卿

丞署

主簿常平署

諸市署

平準署

左右藏

太府卿

周官有太府下大夫掌貢賦之歲受其貨賄之入頒其貨賄於受藏之府歷代不置然其職在

司農少府至梁天監七年置太府卿位視宗正掌金帛府帑及關津市肆陳因之後魏太和中改少府為太府卿兼有少卿掌財物庫藏北齊曰太府寺亦有卿少卿各一人又兼掌造器物後周有太府中大夫掌貢賦賫賄以供國用屬大冢宰隋初與北齊同所掌左右藏及尚方司染甄官等署煬帝置少卿二人又分太府寺置少府監管尚方織染等而太府但管京都市及平準左右藏等唐龍朔二年改太府為外府咸亨元年復舊光宅元年改為司府神龍元年復舊卿二人少卿二人領兩京諸市平準左右藏常平等九署署各有令丞

丞

周官為太府上士之任自後無聞梁太府丞一人陳

丞唐因之

有四人

主簿

周官太府下士之任自後無聞梁置一人陳

諸市署

周官有司市下大夫漢京兆尹屬官有長安市

因之東晉則丹陽尹管之宋齊因之梁始隸太府陳因

之後魏有京邑市令北齊則司州牧領東西市令丞後

平準署

周官有貨人中士下士主平定物價秦置平準

州舉茂才為平準令後漢平準令丞隸大司農熹平四

年改平準為中準使宦者為之列於內署自是諸署悉

以閭人為令丞魏少府屬官有平準令宋唯掌染順帝即位以帝諱準故曰染署齊又曰平準屬少府梁陳則曰平水令丞北齊平準屬司農後周曰平準中士下士隋初如北齊煬帝改隸太府唐因之令二人丞四人掌

易
官市

左右藏署

周官有職幣上士中士主貨幣之入又外府中士主泉藏之在外者掌邦布之出入以供

百官而待邦用蓋今左藏之職也至秦漢則分在司農少府後漢少府屬官有中藏府令丞魏因之晉有左右藏令屬少府晉江東置御史掌庫曹後分庫曹曰外左庫內左庫至宋省外左庫而內左庫直曰左庫齊梁陳曰右藏北齊曰左右藏令屬太府寺後周曰外府上士中士隋如北齊唐因之置左藏令三人掌庫藏錢物布帛雜綵右藏令二人掌銅鐵毛角玩弄之物金玉珠寶香畫綵色諸方貢獻雜物

常平署

漢宣帝時耿壽昌請於邊郡皆築倉穀賤時增價而糴貴時減價而糴名曰常平倉常平之名

起於此也後漢明帝置常滿倉晉又曰常平倉自後無聞梁亦曰常平倉而不糴糴陳因之後魏太和中雖不名曰常平亦各令官司糴貯儉則出糴隋曰常平唐武德中置常平監官以均天下之價市肆騰踊則減價而出田穡豐羨則增糴而收觸類長之常平令一人掌倉糧管輸出納糴糴凡天下倉廩和糴者為常平倉正租為正倉他子為義倉

臣謹按唐天寶八載通計天下倉糧屯收并和糴等見數凡一億九千六百六萬三千二百二十石

祕書監

丞

太史令

丞

祕書郎

校書郎

正字

著作郎

祕書監

周官太史掌建邦之六典又有外史掌四方之志三皇五帝之書漢氏圖籍所在有石渠石室

延閣廣內貯之於外府又有御史中丞居殿中掌蘭臺祕書及麒麟天祿二閣藏之於內禁後漢圖書在東觀延熹二年始置祕書監一人掌典圖書古今文字考合同異屬太常以其掌圖書祕記故曰祕書後省魏武帝初又置祕書令典尚書奏事即中書令之任也文帝黃初初乃置中書令典尚書奏事而祕書改令為監掌藝文圖籍之事初屬少府自王肅為監乃不屬焉其蘭臺亦藏書籍而御史掌之魏薛夏云蘭臺為外臺祕書為內閣晉武帝以祕書併入中書省其祕書著作之局不廢惠帝永平中復別置祕書監并統著作局掌三閣圖書自是祕書之府始居於外其監銅印墨綬進賢兩梁冠絳朝服佩水蒼玉宋與晉同梁曰祕書省陳因之後魏亦有之後周祕書監亦領著作監掌國史隋祕書省領著作太史二曹煬帝增置少監一人後又改監少監並

為令唐武德初復改為監龍朔二年改祕書省為蘭臺
改監為太史少監為侍郎咸亨初復舊天授初改祕書
省為麟閣神龍初復舊掌經籍圖書監國史領著作太
史二局太極元年增祕書少監為二員通判省事其後
國史太史分為別曹而祕書省但主書寫校勘而已雖非要劇然好學君子亦求為之

臣謹按漢初御史中丞掌蘭臺祕書圖籍之事至魏
晉其制猶存故歷代營都邑置府寺必以祕書省及

御史臺為隣

丞

魏武帝置祕書令及丞一人典尚書奏事後文帝黃
初中欲以何禎為祕書丞而祕書先自有丞乃以禎

為祕書右丞其後遂有左右二丞劉放為左丞孫資為
右丞後省晉復置祕書丞銅印墨綬追賢一梁冠絳朝

服嵇紹司馬彪傳暢王謚等並為此官宗為黃綬餘與
晉同齊梁尤重齊王儉為祕書丞上表求校墳籍依七
畧撰七志四十卷先獻之梁劉孝綽除祕書丞武帝曰
第一官當與第一人又張率吳郡人遷祕書丞武帝曰
祕書丞天下清官東南胄緒未有為者今以相處為卿
定名稱也陳隋卽綬與齊同歷代皆有後周柳蚪為祕
書丞時祕書雖領著作不參史事因蚪為丞始令監掌
焉唐龍朔二年改為蘭臺大夫咸亨初復舊掌府事檢
稽省署

抄目

祕書郎

後漢馬融為祕書郎詣東觀典校書及魏武建
國又置祕書郎嘗以劉邵為之出乘鹿車王肅

表曰臣以為祕書職於三臺為近密中書郎在尚書丞
郎上祕書丞郎宜次尚書郎下不然則宜次侍御史下
祕書丞郎俱四百石遷宜比尚書郎出亦宜為郡此陞
下崇儒術之盛也尚書郎侍御史皆乘犢車而祕書丞

郎獨乘鹿車不得朝服又恐非陛下轉臺郎為祕書丞
郎之本意也晉祕書郎掌中外三閣經書校閱脫誤進
賢一梁冠絳朝服亦謂之郎中武帝分祕書圖籍列為
甲乙丙丁四部使祕書郎中四人各掌其一左太沖為
三都賦自以所見不博求為祕書郎中鄭默為祕書郎
刪省舊文除其浮穢中書令虞松曰而今而後朱紫別
矣宋齊祕書郎皆四員尤為美職皆為甲族起家之選
待次入補其居職例十日便遷宋王敬弘子恢之名為
祕書郎敬弘求為奉朝請與恢之書曰祕書日有限故
有說朝請無限故無競吾欲使汝處無競之地文帝許
之梁張纘為祕書郎固求不遷欲徧觀閣內圖籍自齊
梁之末多以貴游子弟為之無其才實當時諺曰上車
不落則著作體中何如則祕書歷代皆有北齊又謂之
郎中隋除中字亦四員唐亦四員分掌四部經籍圖書
分判校寫功程事龍朔中改為蘭臺郎
咸亨初復舊開元二十八年減一員

祕書校書郎

漢之蘭臺及後漢東觀皆藏書之室亦著述之所文學之士使讎校於其中故有校

書之職初漢成帝時已命光祿大夫劉向於天祿閣校經傳諸子詩賦步兵校尉任宏校兵書太史令尹咸校數術太醫監李柱國校方伎後於蘭臺置令史十八人秩百石屬御史中丞又選他官入東觀皆令典校祕書或撰述傳記後漢明帝以班固為蘭臺令史撰光武本紀及諸傳記又曰傳毅為蘭臺令史與班固賈逵共典校書蓋有校書之任而未為官也故以郎居其任則謂之校書郎楊終竇章皆以郎為之以郎中居其任則謂之校書郎中蔡邕馬融皆以郎中為之當時重其職故學者稱東觀為老氏藏室道家蓬萊山焉晉宋以下無聞至後魏祕書省始置校書郎北齊亦有校書郎後周有校書郎下士十二人屬春官之外史隋校書郎十二人煬帝初減二人等更增為四十人唐置八人掌讎校典籍為文士起家之良選其弘文崇文館著作司經局

並有校書之官皆為
美職而祕書省為最

祕書正字

後漢桓帝初置祕書監掌圖書古今文字考
合同異歷代無聞齊集書省有正書蓋正字

之任也北齊祕書省有正字隋置四人唐因之掌刊正
文字其官資輕重與校書郎同貞元八年割校書四員

正字兩員

屬集賢殿

著作郎

漢東京圖書悉在東觀故使名儒碩學入直東
觀撰述國史謂之著作東觀皆以他官領焉蓋

有著作之任而未為官員也蘭臺令史班固傳穀洛陽
令陳崇長陵令尹敏司隸校尉孟冀及楊彪等並著作
東觀魏明帝太和中始置著作郎隸中書省掌國史
時衛觐以侍中尚書典著作晉元康二年詔曰著作舊
屬中書令祕書既典文籍宜改中書著作為祕書著作
於是改隸祕書後別自置省謂之著作省而猶隸祕書

著作郎一人謂之大著作專掌史任李充為大著作于
時典籍混亂充刪除煩重分作四部祕閣以為永制又
荀勗以中書監孫盛以祕書監並領著作孫綽以散騎
常侍及陳壽並為大著作進賢兩梁冠介幘絳朝服王
隱待詔著作單衣介幘月朔詣於著作省宋齊與晉同
梁制一梁冠而無印綬此並大著作也魏氏又置佐著
作郎亦屬中書晉佐著作郎八人進賢一梁冠絳朝服
祕書監自調補之鄒湛謂祕書監和嶠曰閹纂可佐著
作嶠曰此職閑重勢貴多爭不服求才按此則大著作
亦監自調晉制佐著作郎始到職必撰名臣傳一人宋
初以國朝始建未有合撰者其制遂廢矣宋齊以來遂
遷佐於下謂之著作佐郎亦掌國史集注起居梁初周
捨裴子野皆以他官領其職冠制與大著作同陳氏為
令僕子起家之選後魏有著作郎佐郎北齊著作郎佐
郎各二人後周有著作上士二人中士四人掌綴國錄
屬春官之外史隋以祕書省為著作曹著作郎二人佐

郎八人煬帝加佐郎為十二人唐為著作局置著作郎二人佐郎四人開元二十六年減佐郎二員亦屬祕書省自宋已後國史悉屬祕書龍朔二年改著作郎為司文郎中佐郎為司文郎咸亨初復舊初著作郎掌修國史及製碑頌之屬分判局事佐郎貳之徒有撰史之名而實無其任其任盡在史館矣其屬官有校書郎二人後魏著作省置校書郎北齊著作亦置校書郎二人隋亦司掌校讎書籍若本局無書兼校校本省典籍正字二人唐減一人

掌同校書

太史局令

昔少皞氏以鳥名官其鳳鳥氏為歷正至顓

之際羲氏和氏紹重黎之後世序天地夏有太史終古者當桀之暴知其將亡乃執其圖法而奔于商商太史高摯見紂之亂載其圖法出奔于周周官太史掌建邦之六典正歲年以序事頒告朔于邦國魯昭公二年晉

韓宣子聘魯觀書于太史氏見易象與魯春秋曰周禮盡在魯矣又有馮相氏視天文之次保章氏掌天文之變當周宣王時太史官失其守而為司馬氏司馬氏世典周史惠襄之間有子頽叔帶之亂故司馬氏適晉晉中軍隨會奔秦而司馬氏入梁秦為太史令胡毋敬之為之漢武置太史以司馬談為之位在丞相上天下計書先上太史副上丞相談卒其子遷嗣之遷死後宣帝以其官為令行太史文書而已後漢太史令掌天時星歷凡歲將終奏新年歷凡國祭祀喪娶之事掌奏良日及時節禁忌國有瑞應災異則掌記之秦漢以來太史之任蓋併周之太史馮相保章三職自漢晉宋齊並屬太常銅印墨綬進賢一梁冠絳朝服江左高營以侍郎陳卓以義熙守吳道欣以殿中侍御史皆兼領太史梁陳並同晉氏後魏北齊並如晉宋後周之制春官府置太史中大夫一人掌歷家之法隋曰太史曹令丞各置二人而屬祕書省煬帝又改曹為監有令唐初改監為

局置令龍朔二年又改太史局為祕書閣改令為郎中丞為祕書閣郎咸亨初復舊初屬祕書省久視元年改為渾天監不隸麟臺改令為監置一人其年又改為渾儀監長安二年復為太史局又隸麟臺其監復為太史局令置二人景龍二年復改局為監而令名不易不隸祕書開元二年復改令為監改一員為少監十四年復為太史局置令二人復隸祕書後又改局為監乾元元年又改其局為司天臺掌天文歷數風雲氣色有異則密封以奏其小吏有司歷保章正靈臺郎挈壺正等官各有差

丞

二人司馬彪續漢志云太史有丞一人魏以下歷代皆同隋置二人煬帝減一人唐初不置丞久視初改

為渾儀監始置丞二人煬帝減一人長安二年又省景龍二年復置凡天下測影之處分至表準其詳可載故參考星度稽驗

各典常

臣謹按唐開元中測影使者大相元太云交州望極
纔出地三十餘度以八月自海中南望老人星殊高
老人星下衆星粲然其明大者甚衆圖所不載莫辨
其名大率云南極二十度以上其星皆見乃自古渾
天家以為常沒地中伏而不見之所也

殿中監

丞

尚輦

尚食

尚藥

尚衣

尚舍

尚乘

殿中監

魏始置焉晉宋並同齊有內殿中監外殿中監各八人梁陳因之其資品極下後魏亦有殿中

監北齊有殿中局置監四人屬門下省掌駕前奉引隋改為殿內局置監二人大業三年分門下太僕二司取

殿內監名以為殿內省有少監監丞各一人掌諸供奉
領尚食尚藥尚衣尚舍尚乘尚輦等六局每局各置奉
御二人以總之置直長以貳之屬門下省唐改為殿中
省加置少監二人丞亦二人其官局職任一如隋制為
一司不屬門下龍朔二年改殿中省為中御府改監
為中御大監少監改丞為中御大夫咸亨初復舊

臣謹按漢儀注曰省中有五尚即尚食尚冠尚衣尚
帳尚席或云秦置六尚謂尚冠尚衣尚席尚沐尚食
尚書若今殿中之任也

丞

隋置一人
唐加一人

尚食局奉御

始秦置六尚有尚食焉如淳曰掌天子之
物曰尚後漢以後并其職於太官湯官北

齊門下省又有尚食局置典御二人後周有內膳上士中士凡進食先嘗之隋分屬殿內改典御為奉御有二

人唐因之龍朔二年改為奉膳大夫咸亨初復舊直長隋置六人唐因之減置五人

尚藥局奉御

自梁陳以後皆太醫兼其職北齊門下省有典御二人隋如北齊之制後改為奉御

而屬殿內唐因之龍朔二年改為奉醫大夫咸亨初復舊直長隋置四人唐因之

尚衣局奉御

周官有司服中士掌王之服辨其名物戰國有尚衣尚冠之職秦漢有御府令丞掌

供御服而屬少府後漢又掌宦者典官婢作中衣服魏因之晉屬光祿勳江東省宋大明中改尚方曰左右御府各置令丞一人後廢帝初省御府置中署諫右尚方其後又置初宋氏用三品勳位明帝改用二品淮南臺御史掌金銀綵帛凡諸造作以供奉及妃主六宮梁陳其職隸在尚方後魏有掌服郎北齊門下省統主衣局

都統子統各二人後周有司服上士二人中士二人隋分屬殿內省其後又改為尚衣局置奉御二人唐因之龍朔三年改為奉冕大夫咸亨元年復舊直長隋置八人唐因之減二人

尚舍局奉御

周禮有掌舍掌行所解止之處帷幕帳市之事漢少府屬官有守宮令丞掌宮殿陳

設魏殿中監掌帳設監護之事晉宋以下其職並在殿中監隋煬帝置殿中監改殿內局為尚舍局置奉御二人唐因之龍朔二年改為奉宸大夫咸亨元年復舊直長隋置八人唐因之而減二人

尚乘局奉御

自秦漢以來其職皆在太僕北齊太僕驛駟署有奉乘十人管十二閑馬隋煬帝取

之置尚乘局奉御二人唐因之增置奉御四人龍朔二年改為奉駕大夫咸亨元年復舊尚乘奉御掌六閑馬一曰飛黃閑二曰吉良閑三曰龍媒閑四曰駒騄閑五曰馱驪閑六曰天苑閑開元中減二人先是別置廐使

因隸焉猶屬殿中直長
隋置十四人唐減四人

尚輦局奉御

周官小司徒中大夫掌六畜車輦又宗伯中車下大夫掌王后之五輅輦車組輓有

翼羽蓋漢魏晉並太僕屬官車府令掌之東晉省太僕遂隸尚書駕部宗齊梁陳車府乘黃令丞掌之後魏北齊則乘黃車府令兼掌之後周則司車輅主之隋又乘黃車府令丞掌之煬帝置殿內省尚輦局奉御二人唐因之龍朔二年改為奉輦大夫咸亨元年復舊直長四人隋置唐因之

臣謹按古謂人牽為輦春秋宋萬以乘車輦其母秦始皇乃去其輪而輿之漢代遂為人君之乘後漢有乘輿六輦魏晉小出則乘之及過江而亡孝武太元

年中謝安率意而作及破苻堅得之形制無差大小
如一時人嗟其默識宋武破慕容超獲金鉦輦古之
輦輿大率以六尺為度齊武帝造大小二輦輿雕飾
甚工下桐轆輓悉金花銀獸梁大輦中方八尺左右
開四望金鸞栖輓隋有六輦大禮皆乘之

諸卿第七下

內侍省

內侍

內常侍

內給事

內謁者監

內寺伯

掖庭局

宮闈局

奚官局

內僕局

內府局

內侍

天文有宦者四星在帝座之西周官有內小臣闕人寺人詩有巷伯寺人春秋皆謂之寺人戰國時

趙有宦者令繆賢秦少府屬官有中書謁者令丞又有將作衛尉少府各一人並皇后卿也又云詹事掌皇后太子家屬官有中長秋私府宦官皆屬焉漢景帝中元六年改將作為大長秋或用中人或用士人成帝加置太僕一人掌太后輿馬通謂之皇太后卿皆隨太后宮為官號在正卿上無太后則闕又有長信詹事掌皇太后宮景帝六年更名長信少府平帝元年更名長樂少府帝祖母稱長信宮帝母稱長樂宮故有長信少府長樂少府職如長秋位在長秋上及職吏皆宦者也後漢常職掌奉中宮命凡給賜族親及當謁見者開通之中宮出則從屬官有丞中宮僕謁者私府署令初秦又置中常侍官參用士人皆銀璫左貂給事殿省漢制置侍中中常侍各一人省尚書事黃門侍郎一人傳發書奏皆用姓族後漢中常侍贊導內事顧問應對永平中始

定員數中常侍四人漢舊儀曰秩千石得出入臥內舉法禁中小黃門十人自明帝以後員數稍增改以金璫右貂兼領卿署之職自和熹太后以女主稱制不接公卿乃以閹人為常侍小黃門通命兩宮自此已來悉用閹人不調他士自安迄桓權任尤重手握王爵口含天憲桓帝既與宦官謀誅梁冀乃封宦者五人同日為侯皆食邑故世號五侯焉及袁紹大誅宦者之後永巷掖庭復用士人閹闈出入莫有禁切侍中侍郎門部駙宰中外雜錯醜聲彰聞魏改漢制三卿在九卿下晉復舊在同號卿上有后則置無后則闕齊鬱林王立文安太后即尊號以宮名置宣德衛尉少府太僕梁有弘訓太后亦置屬官陳亦有太后三卿後魏大長秋掌顧問應對自文明馮后閹宦用事大者令僕小者卿守時有宦者趙黑為選曹尚書北齊有中侍中省置中侍中二人中常侍四人掌出入門閤又有長秋寺置卿中尹各一人掌諸宮閣領掖庭等令並用宦者後周有司內上士

小司內中士巷伯中上等官隋曰內侍省領內侍內常侍等官內侍即舊長秋也內常侍即舊中常侍也煬帝改內侍省為長秋監令一人少一人丞二人並用士人餘用宦者領掖庭宮闈奚官三署亦參用士人唐武德初改為內侍省皆用宦者龍朔三年改為內侍監咸亨元年復舊光宅元年改為司宮臺神龍元年復舊有內侍四人掌知宮內供奉中宮駕出夾引總判局事舊二人開元中加二人七年三月勅內侍五品以上許養一子仍以同姓者初養日不得過十歲

內常侍

六人通判局事屬官有內給事八人內謁者監六人內寺伯二人寺人六人領掖庭宮闈奚官

內僕內府

等五局

臣謹按後漢和帝幼冲竇憲以外家專政鉤盾令鄭

衆等專謀禁中收憲印綬竭忠盡瘁一心王室每策勲班賞辭多受少由是常與議事中官用權自衆始也又按唐神龍元年以後始以中使出監諸軍兵馬寶應元年五月勅諸道州所承上命須憑正勅可施行不得便信中使宣勅即遵行

內給事

周禮內小臣之職掌王后之命后出入前驅後漢少府有給事黃門常侍左右止在內宮關通

中外及中宮已下衆事自魏晉至于梁陳無其職後魏有中給事中後改爲中給事北齊中侍中省有中給事中四人煬帝改爲內承直唐復爲內給事置八人

內謁者

後漢大長秋屬官有中宮謁者三人主報中章後魏北齊有中謁者僕射隋內侍省有內謁者

監六人內謁者

十二人唐因之

內寺伯

周禮寺人掌王之內人及女宮之戒令隋內侍省有內寺伯二人唐因之

掖庭局

令秦置永巷漢武更名掖庭置令掌宮人簿帳公桑養蠶及女工等事後漢掖庭令掌後宮貴

人采女又有永巷令典官婢皆宦者並屬少府唐置二人

宮闈局

令二人隋置令掌宮內門閤之禁及出納神主并內給使名帳糧廩事唐因之

奚官局

令二人周禮酒人漿人邊人醢人醢人鹽人冪人女祝司服宇祧並闈宦所職皆有奚奴或曰

奚官女也齊梁陳隋有奚官令掌宮人疾病醫藥罪罰喪葬等事唐置二人

內僕局

令二人後漢有中宮僕令掌車與雜畜及導等事唐置二人

內府局

令二人漢少府屬官有內者局令隋曰內者唐為內府置令二人掌內庫出納帳設澡沐之事

少府監

丞主簿中尚左尚右尚織染掌治等五署暴室等三丞

少府監

少府秦官漢因之是為九卿掌山海池澤之稅以給供應應邵曰山澤之稅名曰禁錢以給私

養故稱少府顏師古曰大司農供軍國之用少府以養天子也天子曰少府諸侯曰私府後漢少府卿一人掌

中服御之諸物衣服寶貨珍膳之屬朝賀則給璧凡中書謁者尚書令僕侍中常侍黃門御史中丞以下皆屬

焉晉制銀章青綬五時朝服進賢兩梁冠絳朝服佩水蒼玉哀帝末省并丹陽尹孝武復置宗少府領左右尚

方御府東治南治平準等令丞齊又加領左右銀銀署梁少府為夏卿位視尚書左右丞陳因之後魏少府謂

之六卿蓋以少府宗正太僕廷尉司農鴻臚為六卿至
孝文太和中易制官品遂改少府為太府北齊無少府
其尚方等署皆隸太府至隋煬帝大業五年又分太府
為少府監置監及少監復領尚方織染等署後又改監
少監並為令唐武德初置軍器監廢少府監貞觀元年
五月分太府中尚方織染坊掌冶坊置少府監龍朔二
年改為內府監咸亨元年復舊光宅元年改為尚方監
神龍元年復舊監一人總判少監二人通判領中尚右
尚左尚織染掌冶等五署開元十年五月
於北都置軍器監至二十六年五月又廢

臣謹按後漢東平王蒼為驃騎正月朔朝蒼當入賀
故事少府給璧時陰就為少府貴傲不奉法漏將盡
而求璧不得蒼掾朱暉遙見少府主簿持璧乃往給

曰試請觀之既得而馳奉之就復以他壁朝

丞

漢有六人後漢省五而有一丞歷代皆一人山公啓事曰中郎衛昱往為少府丞患有損益唐置四人

主簿

晉置二人歷代一人唐有二人

中尚署

周官為玉府秦置尚方令漢因之後漢掌上手工作御刀劍玩好器物及寶玉作器宦者蔡倫

為尚方令監作祕劍及諸器械莫不精工堅密為後代法兩漢又有考工令主作兵器其職稍同按考工令作兵器兵器成則付執金吾入武庫及主織綵諸雜工初屬少府中屬主爵光武時屬太僕漢末分尚方為中左右三尚方魏晉因之自過江唯置一尚方哀帝以諫丹陽尹宋武帝踐阼以相府作部配臺謂之左尚方而本署謂之右尚方並掌造軍器令丞各一人諫門下孝武大明中改右尚方曰御府御府二漢已有之典官婢作

褻衣服補浣之事魏晉猶置其職江左乃省焉後廢帝初省御府置中署隸右尚方則漢之考工令如宋之尚方令尚方令如宋中署矣齊左右尚方隸太府隋煬帝分隸少府中左右尚方北齊亦三尚方隸太府唐省方字有中左右三尚署令丞各一人中尚署供內營造雜作左尚掌車輦織扇膠漆畫鏤等作右尚掌皮毛膠墨雜作席薦等事開元以後別置中尚使以監

織染署

令一人周禮天官典絲掌綬文織絲組焉染人掌染絲帛秦置平準令韋昭釋名曰平準令主

染色染有常平之法故準而則之漢因之及主物價練染初少府屬官有東織西織成帝省東織更名西織為織室北齊中尚方領涇州雍州絳州絳局定州細綾局丞後周有司織下大夫隋有司織司染二署煬帝合織染為一令掌織絳組綬錦綾冠幘并染色等唐因之有令丞

掌冶署

秦漢郡國有鐵官諸郡國出鐵者則置鐵官長丞晉治令掌工徒鼓鑄隸衛尉東晉省衛尉始

隸少府宋有東冶南冶各置令丞而屬少府齊因之江南諸郡縣有鐵者或置冶令或置冶丞多是吳所置梁陳有東西冶北齊諸冶屬太府後周有冶工鐵工中士隋有掌冶令丞唐於京師置冶署有令丞各一人掌造鑄金銀銅鐵塗飾琉璃玉作等事

暴室丞

後漢暴室丞宦者也主中婦人疾病者就此室治之其皇后貴人有罪亦就此室屬少府其後

之無

海丞

漢平帝置少府海丞一人掌海稅後無

果丞

與海丞同置掌諸果實後無

將作監

丞

主簿 中校

左右校 東園主章令

左校

右校

甄

將作監

少皞氏以五雉為五工正以利器用唐虞共工周官之冬官蓋其職也秦有將作大匠後漢少

府掌治宮室漢景帝中元六年更名將作大匠後漢位次河南尹中元二年省以謁者領之章帝建初元年復置初以任隗為之掌修作宗廟路寢宮室陵園木土之功并植桐梓之類列于道側李固遷大匠常推賢貢士孔融以將作大匠遷少府魏晉因之江左至宗齊皆有事則置無事則省梁改為大匠卿陳因之後魏亦有之北齊有將作寺其官曰大匠有功曹主簿長史司馬等官屬後周有匠師中大夫掌城郭宮室之制及諸器物度量又有司木中大夫掌木工之政令隋與北齊同至開皇二十年改寺為監大匠為大監初加置副監煬帝改大監少監為大匠少匠十三年又改為大令少令唐復皆為匠龍朔二年改將作為繕工監咸亨元年復舊

光宅元年改為營繕監神龍元年復舊大匠一人總判少匠二人通判天寶中改大匠為大監少匠為少監領左校右校甄官中校四署

丞

漢有二人後漢一人魏晉因之東晉以後有事則置無事則省梁又置一人陳因之後魏有之北齊四人

後周曰匠師中士隋二人唐四人

主簿

晉置自後與丞同隋二人唐因之

左右校署

秦及漢初有左右前後中五校令後唯置左右校令後漢因之掌左右工徒度尚自右校

令擢拜荊州刺史魏併左校右校於材官晉左右校屬少府宋以後並有左校令丞北齊亦有之隋左右校令丞屬將作唐因之

左校署

令丞二人掌營繕木作採材等事

右校署

令丞二人掌營土作瓦泥並燒石灰厠溷等事

甄官署

令丞二人後漢有前後中甄官令屬將作晉有甄官署掌埴瓦之事宋齊北齊隋悉有之唐因

之掌營埴

石甃瓦

中校署

秦漢有之後無唐置令丞各一人掌舟車離兵仗廐牧

東園主章令

漢有之武帝更名木工如淳曰章謂木材也後世無此官

國子監

祭酒司業丞主簿國子太學廣文四門律學書學算學博士助教等

國子祭酒

孫卿在齊為三老稱祭酒胡廣曰凡官名祭酒皆一位之元長古者賓得主人饌則老者

一人舉酒以祭地故以祭酒為稱漢之侍中魏之散騎常侍功高者並為祭酒用其義也公府有祭酒亦因其名漢吳王濞年老不朝為劉氏祭酒則祭酒之名久矣王莽以安車駟馬迎夏侯勝為講學祭酒勝推而不受又漢置博士至東京凡十四人而聽明有威重者一人為祭酒謂之博士祭酒蓋本曰僕射中興轉為祭酒魏因之晉武帝咸寧四年初立國子學置國子祭酒一人永嘉中置儒林祭酒以杜夷為之國子者周之舊名周官有師氏之職即國子祭酒也晉介帟阜朝服進賢兩梁冠佩水蒼玉舊視侍中列曹尚書劉毅嵇紹並為此官又袁瓌為國子祭酒時屢經喪亂禮教陵遲瓌上疏求立學徒故國學之興自瓌始也又裴頠為祭酒奏立太學起講堂築門刻石寫五經焉宋不置學則助教唯置一人而祭酒博士不常置也明帝太始六年以國學

廢初置總明觀祭酒一人有元儒文史四科科置學士各十人齊高帝建元四年有司奏置國學祭酒准諸曹尚書博士准中書郎助教淮南臺御史選經學為先若其人難備給事中以選明經者以本位領其後國諱廢學永明三年立學尚書令王儉領祭酒學既建乃省總明觀八年國子博士何允單為祭酒疑所服陸澄等皆不能據遂以元服臨試月餘日博議定乃服朱衣齊梁號為國師梁王承為國子祭酒承祖儉父暕並居此職三代為國師前代未有時以為榮暕音簡陳因之後魏亦曰國子祭酒其初定中原先立太學置五經博士北齊國子寺有祭酒一人隋開皇十三年國子寺罷隸太常凡國學諸官自漢以下並屬太常至隋始革之又改寺為學仁壽元年罷國子學唯立太學一所省國子祭酒博士置太學博士總知學事煬帝即位改國子學為國子監依舊置祭酒唐因之龍朔元年東都亦置龍朔二年改為司成館又改祭酒為大司成咸亨初復舊光

宅元年改國子監為成均監神龍元年復舊領國子學學生三百人太學學生五百人四門學學生五百人俊士八百人律學學生五十人書學學生三十人算學學生三十人置祭酒一人掌監學之政皇太子受業則執經講說皆以儒學重者為之天寶九載置廣文館領學生為進士業者置博士助教各一人品秩與太學同

臣謹按漢昭帝增博士弟子員滿百人宣帝末增倍之元帝時詔能通一經者皆復數年郡國置五經百石卒史成帝末增弟子員三千人平帝時王莽增元士之子得受業如弟子以為員歲課甲科四十人為郎中乙二十人為太子舍人丙四十人補文學掌故

後漢安帝薄於藝文博士倚席不講學舍頽弊鞠為園蔬牧兒芻叟至於薪刈順帝感翟酺之言乃更修黌宇凡所構二百四十房千八百五十室增甲乙之科員各十人除郡國耆儒皆補郎舍人又按唐神龍之後六學生徒二千二百一十人每學各置博士以總學事及有助教等員天寶九載又於國子監置廣文館領學生為進士業者置博士助教各一人品秩與太學同

國子司業

隋煬帝大業三年於國子監初置司業一人禮曰樂正司業父師司成因以為名唐置二

人副貳祭酒通判監事龍朔二年改為少司成咸亨初復舊凡祭酒司業皆儒重之官非其人不居

丞

隋置三人唐一人

主簿

北齊置隋一人唐因之

國子博士

班固云按六國時往往有博士掌通古今又曰博士秦官漢因之漢博士多至四十人兩

梁冠漢儀云文帝博士七十餘人為待詔博士朝服元瑞章甫冠武帝建元五年初置五經博士宣帝稍增員十二人博士選有三科高第為尚書次為刺史其不通政事以久次補諸侯太傅子時孔光為博士數使錄冤獄行風俗後漢博士凡十四人易施孟梁邱京氏尚書歐陽大小夏侯詩齊魯韓毛禮大小戴春秋公羊嚴顏

各一博士初欲立左氏傳博士范升以為左氏淺末不宜立陳元聞之乃詣闕上疏爭之卒立左氏學各掌以五經教子弟國有疑事掌承問對舊時從議郎為博士其通獻異藝入平尚書出部刺史諸侯守相久次轉諫議大夫中興高第為侍中小郡若都尉博士限年五十安帝以博士多非其人詔命三公將軍中二千石舉博士各一人務得經明行高卓爾茂異是時羣僚承風凡所旌貢綽有餘裕後旋復故遂用陵遲初平帝元始四年改博士為博士師後漢兼而存之並擇儒者桓榮魯恭戴憑等並為博士魏及西晉朝博士置十九人武帝咸寧四年初立國子學置國子博士一人皆取履行精淳通明典義若散騎常侍中書侍郎太子中庶子以上乃得召試元帝時荀崧上疏曰昔咸寧太康永嘉之中侍中常侍黃門通洽古今行為世表者領國子博士宗齊諸博士皆皂朝服進賢兩梁冠佩水蒼玉梁國學有博士二人天監四年置五經博士各一人魏晉宗齊並

不置五經博士至北齊始置焉舊國子學生限以貴賤武帝欲招來後進五館生皆引寒門雋才不限人數陳因之後魏北齊並有之隋仁壽元年省國子博士大業三年復置一人唐增置二人龍朔二年改為司成宣業咸亨初復舊諸州府亦有經學博士一人

臣謹按後魏崔逸為國子博士每公事逸常被詔獨進博士特命自逸始也

助教

晉咸寧四年初立國子學助教十五人以教生徒江左及宋並十人宋制易尚書毛詩禮記周禮儀

禮左傳公羊穀梁各為一經論語孝經為一經合十經助教分掌宋齊並同梁國子助教舊視南臺御史品服與博士同陳因之後魏亦有北齊置十人隋置四人唐國子學助教三人諸府州縣各有助教員府州二人縣

一人學生
各有差

太學博士

晉江左增置國子博士十六人謂之太學博士品服同國子博士梁置太學博士八人陳

因之後魏亦然北齊國子寺有太學博士十人後周置太學博士下大夫六人隋初置太學博士五人仁壽元年罷國子唯立太學置博士五人
人大業三年減置二人唐因之

助教

後魏始置北齊亦有之置二十人後周曰太學助教上士隋又曰太學助教五人大業三年減三人

唐因之

廣文館博士

一人助教一人並以文士為之唐天寶九載置

四門博士

後魏書劉芳表云太和二十年立四門博士於四門置學按禮記曰天子設四學鄭元注

同西郊之虞庠也今以其遠遠故置於四門請移與太學同處從之北齊二十人隋五人唐二人

助教

北齊國子寺有二十人隋初則五人唐因之

直講

四人唐初置無員數長安四年始定為四員

大成

二十人唐置取貢舉及第人簡聰明者試書日誦得一千言并日試策所習業等十條通七然後補

充仍散官祿俸賜會同直官例給武太后長安中省而有直講定為四員

律學博士

晉置屬廷尉梁曰胄子律博士屬廷尉陳亦有律博士八人唐因之而置一人移屬國學掌教文武

八品以下及庶人之子為生者以律令為專業格式法例無習之助教一人而從九品上

書學博士

唐置三人掌教文武八品已下及庶人之子為生者以石經說文字林為專業餘字書兼

習之又置
典學二人

算學博士

二人典學二人掌教文武八品已下及庶人之子為生者二分其經以為之業習九章海

島孫子五曹張邱建夏侯惇等及綴術緝古之術其記遺三等數亦兼習之

軍器監

丞

主簿

甲坊署

弩坊署

軍器監

後周武帝四年初置軍器監唐武德初因之貞觀元年罷軍器大監置少監後省之以其地隸

少府監為甲弩坊開元初復以其地置軍器使至三年以使為監更置少監一員丞二員主簿一員錄事一員及弩坊等署卜一年悉罷之復隸少府為甲弩坊十六年移其名於北都置軍器監亦嘗以太原尹兼領天寶

六載復於舊所置軍器監
監一人領甲坊弩坊兩署

丞主簿

各一人
唐置

甲坊署令丞

隋少府有甲
鎧署唐改焉

弩坊署令丞

隋有弓弩
署唐改焉

都水監

使者

丞

主簿

舟楫署

河渠署

都水使者

虞舜命益作虞以掌山澤周官有林衡川衡
二官掌林麓川澤之禁漢武帝元鼎二年初

置水衡都尉

掌上林苑其屬有上林均輸御羞禁圃楫

擢鍾官伎巧

六廐辨銅九官令丞又衡官水司空都水

農倉及甘泉

上林都水七官長丞皆屬焉蓋主上林離

宮燕休之處

後漢光武省之并其職於少府每立秋獵

劉之日輒覓置水衡都尉。劉將祭大獵也。事訖省。初泰漢又有都水長丞主陂池灌溉保守河渠。自太常少府及三輔等皆有其官。漢武帝以都水官多乃置左右使者以領之。至漢哀帝省使者官。至東京凡都水皆罷之。併置河隄謁者。漢之水衡都尉本主上林苑。魏世主天下水軍舟船器械。晉武帝省水衡置都水臺。有使者一人掌舟航及運部。而河隄為都水官。屬元康中復有水衡都尉。時陳慎戴熊俱以都水使者領水衡都尉。懷帝永嘉六年胡賊入洛陽。都水使者銅印墨綬追賢兩梁冠與免江左。省河隄。宋都水使者銅印墨綬追賢兩梁冠與御史中丞同。孝武帝初省都水臺。罷都水使者。置水衡令。孝建元年復置齊有都水臺使者一人。梁初與齊同。天監七年改都水使者為大舟卿。位視中書郎。列卿之最末者。主舟航。河隄。陳因之後魏初皆有水衡都尉及河隄謁者。都水使者官。至永平二年都水臺依舊置二使者。北齊亦置二使者。隋開皇三年廢都水臺。入司農。

十三年復置仁壽元年改臺為監更名使者亦為監煬帝又改為使者等又為監加置少監又改監及少監並為令領舟楫河渠二署唐武德八年置都水臺後復為都水監置令隸將作貞觀中復為都水監置使者龍朔二年改都水使者為司津監丞咸亨元年復舊光宅元年改都水監為水衡置都尉神龍元年復為都水監置使者二人分總其事不屬將作領舟楫河渠二監

丞 漢有水衡丞五人亦有都水丞後漢晉初都水使者有參軍二人蓋亦丞之職任宗因之梁大舟卿有丞陳因之後魏北齊又曰參軍隋曰都水丞唐二人

主簿 晉水衡都尉有之為左右前後中五水衡令悉皆有之梁大舟卿亦有之至隋又置唐因之

舟楫署 漢主爵中尉屬官有都船令丞水衡都尉有楫擢令丞晉曰船曹吏齊曰官船典軍後周曰舟

中士隋為舟楫令丞
唐因之令丞各一人

河渠署

隋煬帝置令丞
各一人唐因之

通志卷五十四